

光緒鎮海縣志

鎮海縣志卷三十八

物產

度地居民必視其物產所以辨土宜裕材用也邑地肥衍五穀蕃滋山村水鄉兼饒雜植加以海物惟錯利甲一郡瑰奇珍異尤難悉數爰取舊志所載附以他書分類錄之非取備物藉資考證云爾

穀之屬

稻案說文稻稌也程璠田九穀考稻稌大名也稌糯也其黏者也稷之爲言硬也不黏者也南方謂之秈有

早禾中禾晚禾早禾以立秋成中禾以處暑成中最富早

次之晚禾以八月成視早益罕矣其品曰早黃晚青米紅色味

最黏土人重寶慶志早珠早白嘉靖志矮白大白細白大赤早稻山宜

稻故赤嫩烏嫩糯嫩寶慶志細嫩光糯細稈矮聯嘉靖志烏嘴

黃稭香珠乾隆志占城案種出占城寶慶志金城寶慶志粒尖色紅而硬四

月種入黃巖嘉靖志冷水紅寶慶志太倉紅成化志縮頸紅硬腳

紅乾隆志霜下白雁來烏成化志蘇子烏野烏嘴烏含稻嘉靖志

九里香寶慶志等西風案李鄒田畝禾猶是等西風趕軍

糧犁索瓣案乾隆志青淨晚刀斷齊勒馬看嘉靖志鐵八石

隔江牽乾隆志紅六十日嘉靖志案乾隆志霜落青以時名

冊湖州晚亦曰湖州白上人呼曰湖宜興晚崑山晚杭州

白松江稻嘉靖志天落稻案訪早糯寶慶志晚糯成化志黃糯白

糯青稈糯寶慶志案乾隆志烏剪糯案正志其根硬而

不鐵稈糯黃香糯黃扁糯矮黃糯乾隆志虎皮糯鼠鬚糯寶慶志

志燕嘴糯羊鬚糯雍正丁香糯九日糯寶慶桂花糯嘉靖

案八杭州糯寶慶玉山糯雍正泥裏變嘉靖府志案嘉

糯之屬又案湖州志泥裏變糯稻其米不待而變

黍禾屬而黏者也以大暑而種故謂之黍說文案九

禾泥黍謂黍為禾屬而黏者非謂禾為黍屬而不黏者也

是故禾屬而黏者黍則禾屬而不黏者糜對文異散文則

通稱黍謂之禾屬有秔黍粳黍成化丹黍浙人呼紅蓮米

要之皆非禾也日用本草

稷齋也五穀之長秔稷之黏者說文

案九穀考云稷北方謂之高梁通謂之秔自漢唐

以來言稷者屢異而秔為黏稷則不能異綴文之

士說秔之義雖異而天下之人呼高粱為秔呼其

稽爲秬稽卒未有異也

稌案嘉靖志誤麋也說文似黍而不黏關西謂之麋
一切經音義引

蒼頡俗呼蘆稌形如蘆荻故名穀譜

案九穀考云說文麋稌互釋稷齋互釋其爲二物甚明自唐蘇恭以本草載稷不載稌遂以稌爲稷其後陳藏器孟詵寇宗奭之徒咸踵其謬冒稌爲稷由來久已又案廣雅疏證云稷種於孟春故月令謂之首種稌與黍五月始種故齊民要術云夏種黍稌稌之不得爲稷明矣

梁 北方謂之小米亦單呼爲穀南方謂之粟九穀考秬粟有烏頭半夏二種糯粟有羊角蘆葉二種成化志乳粟粒大

如雞頭色白味甘俗呼遇粟豹尾粟粒細如芥子乾隆志

清祐初縣產粟一莖雙穗者三四穗者一邦人皆以為豐

年之瑞寶慶志

案九穀考云周官倉人職掌粟入之藏注九穀盡

藏焉以粟為主鄭氏注太宰職九穀中無粟此言

九穀以粟為主則是梁即粟也史記索隱載三蒼

云梁好粟其證也又云稷梁二穀見於經者判然

兩事若詩鴉羽之不能藝黍稷不能藝稻梁周官

北稷兩宜稷在西黍梁稻皆二行稷四行公食大

夫禮之設黍稷六簋授公飯梁禮記內則之飯黍

稷稻梁玉藻之沐稷而饋梁喪大記秦漢以後多

之君沐梁大夫沐稷士沐梁皆是大記秦漢以後多

溷二穀而一之舉梁者輒逸稷逸周書言五方之

穀有粟無稷呂氏

春秋審時篇 舉稷者又逸梁 呂氏春秋十二紀禮記月令淮南時則訓

有禾無稷 天文訓墜形訓主術訓史記 至韋昭國語注則竟

天官書皆言梁而不言稷 云稷梁也顯與經相戾矣惟後鄭注太宰九穀易

司農黍稷秫爲黍稷梁蓋知稷梁之不可相兼故

並舉之於是服康成之識之卓也程氏之說足以

析謬解棼原說甚詳今錄其略焉

大麥 案廣雅大麥麴也 立夏前熟曰晚大麥穗長子多與小麥齊

熟曰六稜麥曰中早麥曰紅黏糯麥堪作酒皆大麥之別

會稽志

小麥 案廣雅小麥麴也 小滿前熟曰早白麥曰松梢麥芒禿如松

房曰柳麥穗如大麥皆小麥之別 會稽志

蕎麥 七月種九月熟然畏霜得霜輒枯秋無霜則蕎大

熟會稽志磨麪如麥故與麥同名俗亦呼甜蕎以別苦蕎草木

綱目

瞿麥 案爾雅說文作蓮麥苗高一尺花紅紫赤色結實作穗子頗似

麥故名本草圖經

卵麥 乾隆志

御麥 出西番以曾經進御故名穀譜俗呼六穀土人謂五

穀之外又一種也其實黃亦有斑者鄞志

雀麥 案說文即燕麥也爾雅注苗與麥同但細長而疏本草衍義

案九穀考云今江南野地中生似麥者有二種一種俗呼雀麥一種俗呼野大麥

白豆 浙東一種白豆味更勝一名飯豆穀譜案本草綱目飯豆小豆

之白者也亦有土黃色者
乾隆志飯豆一名蔞豆

黑豆 蔓生秋開小白花結莢長寸餘經霜乃熟一種細

者名馬料豆穀譜

綠豆 葉似大豆根黃而香蔓延生穀譜案綠豆製為粉最滑膩

烏豆志成

赤豆 三月種遲者四月種宜稀稠得所太密不實齊民要術

俗呼紅豆乾隆志

青豆志成

黃豆 有小大二種生時其殼有毛俗呼毛豆穀譜

豇豆 莢長尺餘而輭俗呼裙帶豆乾隆志

蠶豆 百穀之中最爲先登農桑通說一名蠶蠹豆乾隆志

梅豆 下種於清明後成熟於大暑前張氏補農書

油豆成化志

豌豆 其苗柔弱宛宛故得豌豆名本草注一名小寒豆穀譜與

蠶豆 各種其耐陳則一也農政全書

扁豆 卽布日豆有數種嘉靖府志一名延籬豆穀譜俗名羊眼

豆子有黑白赤斑四色乾隆志

帶豆 有青紅二種一名羹豆嘉靖志

稽豆 野生卽黑小豆也本草綱目案九穀考云廣韻豈野豆又作疎疎稽豈一聲之

耶轉

虎爪豆 九月熟乾隆志

虎斑豆乾隆志

刀鞘豆 葉如豇豆而稍長大五六月間開紫花如蛾

形結莢長者近尺似阜莢扁而劍脊三稜宛然乾隆志

六月豆乾隆志

八月豆采訪冊案六月豆八月豆皆以時名

雀子斑豆 產定海嘉靖府志

泥鰕梗豆 形似鰕立秋時採乾隆志

牛吃蠟豆乾隆志

脂麻案本草謂其多脂油也日華子本草謂胡麻即今之脂麻李時珍曰俗作芝麻非有黑白二

種志成子可榨油本草綱目

稊 似稗布地生穢草稊與稗二物也皆有米而細小爾雅

稗

水旱無不熟之時宜種之以備凶年

沘勝之書

案羅願爾雅翼云草之似穀可以養人者甚多博

物志稱薺草實生海洲上食之如大麥從七月熟

民斂至冬乃訖或曰禹餘糧言禹治水棄其餘糧

化而爲此本草稱東薺

子虛賦東薺張揖云實可食

生河西菑

似蓬子似麥可爲飯又苽米可爲飯生水中苽子

似小麥而小四月熟久食不飢爾雅所謂皇守田

者也狼尾草子作黍食之令人不飢爾雅所謂孟

狼尾者也又有蒯草子亦堪食如秔米又蓬草子

作飯無異秔米歉年食之此皆五穀之外可以接

糧者故附著之

蔬之屬

薑 根青苗黃無花實

圖經本草

生薑謂之茺薑

四民月令

椒 似茺萸而小有鍼刺葉堅而滑可煮飲食甚辛香

經圖

本其子突出如目謂之椒目

六書

故胡椒形如漢椒至芳

六月採

酉陽雜俎

茴香 有大茴香小茴香

蔬譜

一名蘘香

羣芳譜

韭 一種而人者故謂之韭

說文

案纂要云一翦一加糞一歲不過五翦案俗

呼韭菜

蔥 人間食蔥有二種凍蔥經冬不死漢蔥冬卽葉枯凍

蔥最善氣味亦佳

唐本草

薤 似韭而葉闊有赤白二種皆春分時之至冬而葉枯

本草 江南呼為薑子別名薇本草

蒜 葷菜也爾雅 六月七月可種小蒜八月可種大蒜四民

月 蒜苗不甚採食俟抽條取浸之用以辟暑善畜者用糠

醋浸之經年愈妙東陽縣志

蒿苳 四月抽莖三四尺剝皮生食味清脆糟食甚佳江

東人謂之苳筍蔬譜 一名善菜乾隆志

苳菜 夏至節前發嘉靖志 晚苳即今白菜通雅 案咸化

為二 案冬月之菜惟此宜久藏

油菜 一名芸薹乾隆志 開花黃如金摘心為菜茹其旁心

結子可榨油正字通

芥 似苳而有毛味癖好作菹亦可生食本草 芥多種以

春不老為第一

學圃雜疏

邑人搗其子用之名曰芥薹

黃矮菜

味美冠諸菜杭人訛為黃雅

杭州府志

案邑人亦呼黃雅菜

苦菜

一名苦蕒

蔬譜

生小田及澤中得霜甜脆而美

陸璣詩疏

大頭菜

甘輒可食亦宜醃

藏禦冬脆嫩甚佳

湖州府志

葵

陽菜也易生備四時之饌本豐而耐旱味甘而無毒

蔬茹之要品也

王楙農書

薺

味甘人取其葉作菹及羹

爾雅疏

莧

明州有赤莧山土傳赤莧乃仙人所種

學齋佔畢

一名五

行菜

乾隆志

蒼蓬

一名女菜

嘉靖府志

今名甜菜

乾隆志

色白微黃其瓣極

闊肥美異常抽心則不可食

東陽縣志

菠薐菜 莖柔脆中空葉綠膩柔厚根長數寸而色紫味甘

美種時必過月朔乃生亦一異也本草綱目

雪裏蕪 四明有菜名雪裏菜蕪頭旨蓄其珍莫比雪深

諸菜皆凍此菜青青蕪尤美野菜箋

蔓菁 亦曰蕪菁急就篇注在北為菰在南為蕪菁蔓菁說文段氏

注

蘆菔 今謂之蘿蔔爾雅疏生沙壤者脆而甘生瘠地者堅

而粹蔬譜

芋 有水旱二種旱芋山地可種水芋水田蒔本草大者謂

之芋頭小者謂之芋孺蔬譜土芋一名黃獨南嶽志

甘藷 一名番藷自海外得此種甘藷疏如山藥而紫味甘

普陀山志

邑之山地栽植甚多

乾隆志

宋代明州貢乾山蕒一十

五斤

元豐九域志

薇

山菜也莖葉皆似小豆

蔓生藿可作羹

陸璣詩疏案項安世曰

薇今之野豌豆也

蕨

山菜也初生似蒜莖紫黑色二月中高八九寸先有

葉淪爲茹滑美如葵

齊民要術引陸璣

疏案其根可以爲粉

藜

似藿而可食

說文義證

蒿菜

軟美帶香與菠菜相

上下

倦圃蒔植記

孟娘菜

生四明諸山冬夏常青葉似升麻方莖山人採

茹之

本草拾遺

蓴

水葵也江東名云蓴菜

陸璣詩疏

明人呼蓴羹爲聖米

四明雜
詩注
石蓴似紫菜色青

蓼
辛菜也其類不一多節者味辛古人以為羹今人以

為薺
故六書俗呼薺蓼

芹
有兩種茯苓取根白色赤芹取莖葉並堪作菹及生

嗽
本草陶注

茄
菜名有紫白二種

為水茄江西常茄皆皮白其紫者為水茄亦一異也

一種曰丁香茄

茭白
案爾雅茭首
即今之茭白也
八九月間生水中味美可啖

蒻
大如指白生噉之甘脆又煮以苦酒如食筍法大美

陸璣
詩疏

蕈 木生者謂樗地生者謂蕈名醫別錄香者曰香蕈通雅今人

謂光滑者木耳皺者蕈說文段氏注四明山谷多產菌種類不

一食之間有種毒者蓋虺蛇毒氣所熏蒸也有僧教掘地

以冷水攪之令少頃取飲皆得全活謂之地漿楓樹菌食

之笑不止俗言笑菌居山者不可不知避暑錄話

瓜之屬

黃瓜 一名胡瓜本草釋名

絲瓜 俗名天蘿嘉靖府志

冬瓜 長者如枕大者如斗蔬譜

南瓜 形橫圓而豎扁熟食味麪而膩蔬譜俗呼飯瓜乾隆志

稍瓜 一名菜瓜本草釋名有青白二色乾隆志以甜醬漬之爲

蔬中佳味 學圃雜疏

甜瓜 有名一捻青味極香甜 至正志

西瓜 一名寒瓜紅者味尤勝 譜

枕頭瓜 卽西瓜之類子有紅黃黑三色 嘉靖志

金子瓜 卽香瓜 浙江通志

瓠 瓠瓜也 玉篇

瓠 瓠之甘者 爾雅

壺 瓠之無柄者 崔豹古今注

案本草綱目長瓠縣瓠壺盧瓠瓜蒲盧名狀不一

其實一類各色也

雜植附

麻 有黃麻苧麻絳麻綠麻嘉靖府志案又有青麻可織布

葛 絺綌草也說文

靛嘉靖府志案靛即藍也葉大叢生莖短有節折其莖以土壅之輒生圓葉者名馬蹄青尖葉者名廖青又有

名綠豆青鴨腳青者

藥之屬

甘草 春生青苗高一二尺七月開紫花冬結實作角根

長者三四尺圖經本草

燕 一名山精抱朴子仙藥篇白而肥者為浙燕俗云雲頭燕藥譜

仙島山生白燕乾隆志

地榆 葉似榆而長初生布地故名地榆本草陶注

苦參 一名水槐生山谷田野其根黃色長三五寸許三

五莖並生苗長二三尺葉青似槐故有槐名春生秋凋其

花黃白七月結實作莢如小豆子

至正志

貝母

案詩載馳言采其莖傳云蘇貝母也

形如聚貝子故名貝母

本草陶隱居注根

有瓣子黃白色二月生苗莖細青色葉亦青似蕎麥葉隨

苗出七月開花碧綠色形如鼓子花

圖經本草

山藥 一名薯蕷出四明者佳春生苗蔓延籬落莖紫葉

青有三尖角似牽牛更厚而光澤夏開細白花秋生實於

葉間狀如鈴二月八月採根白色者爲上青黑者不用曝

乾入貢

至正志

另一種爲甘藷俗名紅山藥

東陽縣志

茵陳蒿 春初生苗似蓬蒿而葉緊細無花實秋後葉枯

莖餘經冬不死至春更因舊苗而生故名茵陳五月七月

採莖葉陰乾今謂之山茵陳

至正志

草蒿

一名青蒿

本草釋名

葉似茵陳蒿而背不白高尺許

蜀本

圖經案青蒿味涼俗於秋未取而乾之夏日煎湯服以避暑氣

茅根

春生芽布地如鍼下生白花至秋枯其根潔白而

甘美六月採根用

至正志

仙茅

江湖兩浙諸州有之

羣芳譜

葉青如茅而輒有縱文

又似初生櫻欄春初乃生三月有花如梔子其根獨莖而

直其大如小指八月採曝乾以爲藥

海藥本草

黃精

以其得坤土之精粹故名

本草綱目

葉不對者名偏精

功用不如正精

本草拾遺

三七 本名三漆謂其能合金瘡如漆黏物也

本草注

菊花 初春布地生細苗夏茂秋花冬實正月採根三月

採葉五月採莖九月採花十一月採實皆陰乾

至正志

案初學記引本草經云菊有兩種一種紫莖氣香而味甘美葉可作羹爲眞菊一種青莖而大作蒿艾氣味苦不堪食非眞菊也

芍藥 有赤白兩種其花亦有紅白二色

開寶本草

二月八月

採根曝乾

名醫別錄

獨葉一枝花 產大蓬山其根莖如算子大可療百毒山

人珍之

乾隆志

香薷 生山巖石罅中苗高尺餘葉莖細而辛香

嘉靖府志 免

山產香薷以端午日採取者爲佳

乾隆志

荊芥 二月布子生苗莖細葉似獨帚葉而狹小八月開

小花作穗成房有細子如葶藶子狀黃赤色

本草綱目

薄荷 莖葉似荏而尖長根經冬不死又有蔓生者春採

莖葉人家庭院多蒔之

至正志

浙人多以作茶飲之俗呼新

羅薄荷

圖經本草

莎草根

又名香附子生田野間苗莖葉都似三稜根老

子周布多毛近道生者苗葉如薤而瘦根如筋頭大

至正志

藿香 二月生苗莖梗甚密葉似桑而小薄六七月採之

須黃色乃可收

本草綱目

菖蒲

生池澤春生青葉長一二尺其葉中心有脊狀如

劍無花實以五月五日收其根盤屈有節狀如馬鞭大一

根旁引三四根旁根節尤密一寸九節者良至正志一名堯

韭乾隆志

蘇葉 下紫色因名紫蘇其氣甚香夏採莖葉秋採實然

有數種有水蘇白蘇魚蘇皆是荏類以其味辛而形類蘇

乃名之至正志

艾葉 初春布地生苗莖類蒿而葉背白以苗短者為佳

圖經本草產四明者謂之海艾本草綱目

白芷 生川谷下澤二月八月採名醫別錄

木香 葉似羊蹄而長大如菊花結實黃黑所在有之本草

綱目紫李時珍曰本名蜜香遂說為木香昔人謂之青木香後人因呼馬兜鈴為青木香乃呼此為南木香廣水

真每縣志 卷三十六 物產

香以別之今人又呼一種
薔薇爲木香愈亂眞矣

夏枯草 生平澤冬至後生葉似旋覆花三月四月開花

作穗五月便枯

唐本草

劉寄奴草

苗葉似艾蒿有四稜

成化志

一名金寄奴

本草釋名

大小薊

大薊是虎薊小薊是苗薊葉並多刺相似

本草陶隱

居注小薊苗高尺餘葉多刺心中出花當二月苗初生時并

根作茹食之甚美大薊根苗與此相似但肥大耳

圖經本草

牛蒡

葉大如芋葉而長實似薔薇核而褐色秋後子入

藥

本草蘇頌注

卷耳

葉青白花細莖蔓生可煮爲茹滑而少味四月中

生子如婦人耳中瑠

陸璣詩疏

卽今藥中蒼耳子也異名最多

毛詩稽
古編

天名精 出明州夏秋抽條如薄荷花紫白色葉如菰而

小故南人謂之地菰其味甘辛

至正志

案桂馥云陶隱居以天名精爲菰蔴案天名精卽
豕首並非菰蔴唐本辨之是也

地黃

一名地髓江東呼芋

爾雅郭注

二月生葉高者尺餘低

者三四寸花紅紫色亦有黃花者其實作房如連翹子甚

細而沙褐色根如人手指通黃色

圖經本草

浙中壤地種者受

南方陽氣質光潤而力微

本草蒙荃

款冬

十二月雪中出花

丹鉛錄

麥門冬

根似穢麥故名

本草別錄

古人用野生者後世多是

種蒔浙中來者最良

本草綱目

羊桃 葉花似桃子細如棗核苗葉長弱即蔓生不能為

樹

旋覆花 二月生苗長一二尺葉如柳莖細六月開花如

菊花小銅錢大深黃色田野人呼為金錢花

本草圖經

一名金

沸草

成化志

决明子 花黃白色其子作穗如青豆而銳

成化志

地膚子 初生薄地五六寸根形如蒿莖赤葉青大似荆

芥三月開黃白花八九月採實陰乾

至正志

一名落蓴子

成化

志

車前子 大藥長穗好生道邊江東呼為蝦蟆衣

爾雅

名芣苢

郭璞芣苢讚

俗呼芣苢爲官私草

案桂馥云說韓詩者皆以芣苢爲澤瀉案陸璣疏

澤瀉葉如車前草大其味亦相似然則車前澤瀉

實二物以形狀相近而得通稱也

連翹

一名蓮菴

爾雅注

有大小二種

圖經本草

蒺藜

案容齋三筆蒺藜爲蒺藜切脚語也

生平澤及道旁布地蔓生細葉花

黃紫色子有三角刺如稜狀七月八月採實

至正志

益母草

案卽詩王風所謂中谷有蓀也

葉似荏方莖白花花生節間

嘉靖志

味辛生海濱池澤

本草注

穀精草

穀田餘氣所生故名

本草綱目

一名戴星草

成化志

白鼓釘

一名蒲公英一名黃花地丁四明皆有採之熟

食

野菜譜

吉利菜

出明州

本草拾遺

蔓及根並似土瓜莖如錢根似防

己

本草綱目

木賊

長者二三尺無枝葉凌冬不彫治目疾

本草綱目

紅花

案本草名紅藍花

今之紅花古亦稱茜

通雅傳注

案史記貨殖一名紅藍

葉如小蘇葉花如大蘇花五月收採

本草綱目

苦芙

案爾雅鉤芙即此

大如拇指中空莖頭有臺似薊浙東人清

明採其嫩苗食之云一年不生瘡疥

本草綱目

破銅錢

一名四葉菜又名十字草湖塘田中皆生之能

醫雞矇眼拾遺陳藏器謂之茱菜正是

通雅

射干

即扁竹扁生如側子手掌形莖亦如之青綠色一

種紫花一種黃花

土宿真君本草

案本草綱目陶宏景謂射干為飛是一種蘇恭陳

藏器謂紫碧花者是鳶尾紅花者是射干

續隨子

苗如大戟青有殼秋種冬長春秀秋實

本草蘇頌注

一名千金子

成化志案續隨子為千金草之子故名

蓖麻

產明州

本草類證

夏生苗葉似葎草而厚大莖亦有節

如甘蔗高丈許秋生細花隨便結實殼上有刺實類巴豆

青黃斑褐宛如牛埤故名

至正志

天南星 二月生苗似荷梗葉似蒟葉五月開花如蛇頭

黃色七月結子作穗似石榴子紅色根如芋而圓二月八

月採根一說即虎掌其小者有毒

至正志

俗呼蛇六穀

本草綱目

烏喙

形如烏頭有兩歧如烏之喙故名

吳普本草

三月可採

四月民月令

案廣雅云一歲為萌于二歲為

烏喙三歲為附子四歲為烏頭五歲為天雄

烏頭

始生葉厚莖方中空葉兩兩相當

吳普本草

一名草烏

頭

本草綱目

附子

側子與附子皆非正生謂從烏頭旁出也小者為

側子大者為附子

本草注

雷波各縣出附子

浙江通志

案顏注急就篇云烏喙形似烏之嘴也附子附大

根而出也此與烏頭側子天雄本同一種但以年

歲遠近為殊採之有異功用亦別

半夏

在處有之二月生苗一莖莖端出三葉淺綠色頗

似竹葉而光根下相重生上天下小皮黃肉白五月八月

採根

至正志

一名守田

乾隆志

烏藥

乾隆志

蜀漆

出明州

案本草類證明州蜀漆為良品

葉似茗而狹長兩兩相當

莖圓有節三月生紅花青萼五月結實青圓三子為房苗

高者不過三四尺根似荊黃色五月採葉八月採根陰乾

為治瘡要藥

至正志

商陸

一名當陸

開寶本草

葉大如牛葉而厚脆赤花者根赤

白花者根白二月八月採根

蜀本草

澤漆 即大戟花也有莖梗小花黃色葉似嫩菜五月採

日華子

明州有之

本草蘇頌注

罌子粟 一名米囊一名御米花人家園庭多種植之花

有紅白二種九月布子涉冬至春始生苗候其罌焦黃則

採之其殼亦入藥用

至正志

兔絲子 蔓延草上生黃赤如金

陸璣詩疏

牽牛子 二月種子三月生苗作藤蔓繞籬高者或二三

丈其葉青有三尖角七月生花微紅帶碧色似鼓子花而

大八月結實外有白皮裹作毬每毬內有四五子如蕎麥

大有三稜有黑白二種九月後收

至正志

栝樓 詩所謂果臝之實是也三四月生苗引藤蔓葉似

甜瓜有細毛七月開花似葫蘆花淡黃色實在花下大如

拳生青至九月赤黃色二月八月採根刮去皮曝根二十

日成鹵地生者有毒

至正志

栝樓根名白藥其皮卽天花粉

也勸明州出天花粉本草類證案至正志志天花粉苦寒無毒

案神農本經枯樓天花粉不分爲一至正志分列

二物今併爲一

王瓜即今土瓜本草四月生苗其蔓多鬚葉圓如馬蹄

而有尖五六月間開小黃花結子如彈丸七八月熟根如

枯樓之小者藥譜

何首烏案本名交藤因何首烏服而得名春生苗葉相對夏秋開黃白花

結子有稜秋冬採根有二種赤者雄白者雌用竹刀切米

泔浸一宿曝乾忌鐵器一云春採根秋採花九蒸九曝乃

可服至正志

黃藥出明州藤生高三四尺苗莖類蒿十月採根圖經本草

狀如小桑

案成化志

蛇牀子 葉青碎作叢似蒿枝每枝有花頭百餘結同一

窠子如黍米至輕虛

建甯府志

金銀花 其花黃白相間而藤左纏故名

本草綱目

一名甜藤

臘亦名忍冬花

成化志

伏雞子 一名承露仙

本草綱目

根似鳥形者良

本草拾遺

葛根 春生苗引藤蔓長一二丈紫色葉頗似楸葉而香

七月着花似豌豆花不結實根形如手臂紫黑色五月五

日採根曝乾

至正志

羊蹄

案羊蹄即詩小雅所謂言采其莛也

似蘆葍莖赤煮爲茹滑而不美

齊民

要術引一名牛舌菜

本草綱目

詩義疏

馬蘭

案乾隆志云即繇草花

又名烏蘭生水邊旁頗似澤蘭陳藏器

以爲楚辭所喻惡草卽此也北人呼爲紫菊以花似之也

至正志

石耳 生天台四明諸山久食益色至老不改令人不飢

日用本草

骨碎補 案本草拾遺以其主傷折補骨碎故名 根生大木或石上多在背陰

處引根成條上有黃毛及短葉附之又有大葉成枝而青

綠色有青黃點背青白色有赤紫點春生葉至冬乾黃無

花實惟根入藥採無時削去毛用之本名胡孫薑入貢 至正志

志

石斛 五月生苗莖似小竹節節間出碎葉七月開花十

月結實生石上者為勝

本草綱目

八角金盤草

出招寶山

采訪冊

羊躑躅

花苗似鹿蔥羊誤食其葉躑躅而死

本草陶注案古今

注花黃羊食之則死羊見之則躑躅分散二說小異

鷺不食草

五月始苗

嘉靖府志

鳳尾草

乾隆志案鳳尾草以形名入痢藥

狗舌草

生渠槩溼地春生葉似車前花黃白色五月採

莖治蟲疥癢瘡

唐本草

金線草

葉圓如蟹殼蔓生節間有紅線

乾隆志

性寒涼治

湯火瘡

雁山志

龍牙草

雍正府志

筋子根 生四明苗高尺餘葉圓厚光潤冬不彫根大如

指亦名根子味苦溫無毒本草拾遺

刺虎 凌冬不彫味甘主一切腫痛風疾圖經本草

薏苡 莖高三四尺五六月結實形似珠子而稍長故呼

薏珠子羣芳譜一名草珠兒救荒本草

矮蓮 形味皆如櫻北山圖經

瓜蒂 卽甜瓜蒂也成化志一名瓜丁千金方注

百合 小者如大蒜大者如碗數十片相累狀如白蓮花

故名百合言百片合成也爾雅一名强瞿乾隆志案又

小花深紅色俗呼鶴頂紅

紫葳 一名凌霄花成化志

梔子

一名越桃

唐本草

五月生花皆六出甚香秋結實如

訶子狀

成化志

卽黃枝子相如謂之鮮支謝靈運謂之林蘭

乾隆志

草木之花不過五出惟梔六出大者至七出其實黃

赤亦以七稜者爲良卽七出花所成就也

爾雅

茱萸

葉似椿而闊厚實似椒子嫩時微黃熟則深紫

福州

府茱萸有食茱萸藥茱萸之分如川芎有茶芎藥芎之別

也

說文義證

阜莢

莢之樹阜故名

本草綱目

一名阜角

乾隆志

又一種曰肥

阜莢長三四寸肥厚多肉十月採作丸澡身面去垢膩潤

勝於阜莢

本草綱目

五加皮

五葉交加者良故名

本草綱目

一作五桂云一枝五

者佳故也丹鉛錄一名金鹽乾隆志

枸杞 莖幹高三五尺作叢六月七月生小紅紫花隨便

結紅實形微長如聚核圖經本草俗呼爲明眼草子其根名地

骨成化志案廣韻春名天精子夏名枸杞葉秋名卻老枝冬名地骨根

案本草圖經謂其實形長而枝無刺者枸杞也圓而有刺者枸棘也枸棘不堪入藥而衍義又謂凡杞未有無棘者雖大至有成架然亦有棘但此物小則多刺大則少刺耳今觀吾鄉所產枸杞未有無刺者衍義之言似爲可據

茯苓 出大松下附根而生無苗葉花實作塊如拳在土底大者數觔似人龜形者佳皮黑肉有赤白二種或云多

年松脂所成

至正志

仙島山產茯苓

乾隆志

茯苓

松之神靈附結木根而成

龍巖州志

桑白皮

桑根東行者佳得十年以上者採其東畔嫩根

益佳取無時去麤皮取白皮用

至正志

枇杷藥

大如驢耳背有黃毛

本草蜀圖經

枳實

如橘而小七八月採者為實九十月採者為殼嘉靖

府志

楮實

一名穀實

本草注

有二種其實初夏生如彈丸青色

至六七月漸紅八九月採水浸去皮穰取子日乾至正出

明州者為良

本草類證

五味子

杭越間多之引赤蔓高木長六七尺

圖經本草

柏實 三月開花九月結子狀如小鈴霜後四裂中有珠

子大如麥粒芳香可愛

本草注

鬼箭

莖有三羽狀如箭羽

本草陶注

亦名狗骨

嘉靖府志

絡石

葉圓如細橘正青冬夏不彫其蔓延節著處即生

根鬚包絡石上因以得名花白子黑薜荔與此相類

至正志

絡石有二種一曰木蓮藤紫花成實今人用以解暑揉凍

如石花勝於嚼冰一曰青蓬又名木饅頭

嘉興縣志

土茯苓

治風溫者俗名冷飯團

通雅

牛膝

春生苗莖高二三尺青紫色有節如牛膝因名

福州

府志

木鼈子

引藤生葉有五極結實如鼈

圖經本草

今杭越皆有

之

本草釋名

木瓜

案爾雅謂之楮

實如小瓜酢可食

爾雅注

天仙藤

生江淮及浙東山中春生苗蔓作藤葉似葛葉

四時不彫根有鬚

本草綱目

雷公藤

四明山志

海風藤

案產海山入風藥

蛇楊梅

案蛇楊梅或呼蛇苗可治風氣

篇蓄

一名篇竹

志成化

似小藜赤莖好生道旁可食又

殺蟲

爾雅注

石帶

案石帶產巖上爲傷科要藥俗呼石禪帶

淡竹葉

一名鴨頭草處處平地有之三四月生苗紫莖

竹葉嫩時可食

羣芳譜

蜜 春蜂採花所釀有二種

成化志

露蜂 生山林上大黃蜂窠也

成化志

桑螵蛸

案桑螵蛸螳螂子也生桑上者為佳以其得桑

之津氣故爾

海螵蛸

即墨魚骨

嘉靖府志

牡蠣

乾隆志

穿山甲

狀如鱗而短小

成化志

案關中海錯疏鱉鱉一名穿山甲似鱗而有四足鱗

厚

石決明

海中大螺也生於濱海崖石之上海人泗水取

之乘其不知用手一撈則得便其覺知雖用斧鑿亦不脫

矣草木子明人謂之化孔螺後出叢談

烏蛇嘉靖府志

自然銅 生靈緒鄉虎巖形如骰子可療損傷乾隆志

果之屬

梅 杏類也實赤於杏而酸齊民要術引陸璣草木疏有早梅消梅夏

梅至正志鴛鴦梅一花二實成化志

杏 有數種黃而圓者名金杏熟最早其扁而青黃者名

木杏味酢不及金杏嘉靖府志甯波貢賦有杏仁嘉靖府志

桃 毛果也玉篇有五月桃六月桃七月桃八月桃嘉靖府志海

桃較凡桃稍扁俗呼蟠桃壽星桃長二三尺形圓一名矮

桃宋訪冊

李 木之多子者爾雅有粉紅李臘李豐山李水包李嘉靖

府志

梨 在山曰檮人植之曰梨爾雅有青梨沙梨雪梨酥梨

棠梨延祐志鎮隅六畝有消梨秋末結實甚大皮薄而脆味

甘美可治傷寒證乾隆志小梨曰梨頭劍南詩注

櫻桃 卽今朱櫻本草陶宏景注大者曰櫻桃小者曰櫻珠咸化志

楊梅 種類甚多顆大核細爲上譜有早色晚色重色數

種出靈緒五都者佳浙江通志

枇杷 一名盧橘至正志獨核者佳學圃餘疏

林檎 一名花紅至正志一名來禽嘉靖府志

柰 與林檎一類而二種樹與葉皆似林檎而實稍大羣

譜

葡萄 一名馬乳西陽雜俎有黃白黑三種御覽引一種野葡萄

萄色紫而小俗呼櫻鈕果譜

白棗 卽今棗子白乃熟爾雅大者曰雞心小者曰棘成化

志

柿 赤實果說文有一點紅重蒂紅臙脂柿扁綠柿樺柿嘉靖

府志

栗 隨處有之又芋栗案升菴外集芋栗木栗也莊子所謂狙公賦芋者今說作芋栗說存

中膏辨極小而味甘至正

榛 栗屬其子似小柿子表皮黑味如栗陸敬

榧 實細而甘至正土人呼爲赤果一曰玉榧日用本草

銀杏 一名鴨腳子其葉形似鴨腳故名至正志 俗呼爲白

果嘉靖志

橘 木高一二丈葉與枳無辨刺出於莖間夏初生白花

六月七月而成實至冬而黃熟可啖嘉靖志 明州貢橘子元和

郡縣志

柚 肉如橘有甘有酸俗謂橙爲柚非也本草蘇恭注 柚之大

者俗呼若泡音謝肇淛五雜俎字作櫨以爲大柚則明時

已有此名然字書無櫨恐是俗寫庭立紀聞

柑 其形如橘而圓大爾雅 四明園中此果甚多蘇舜欽滄浪集

有南柑獅子柑乾隆志 案獅子柑俗名皺柑與乳柑不同

橙 其樹亦似橘樹而葉大其形圓大於橘而香皮厚而

皺八月熟

本草注

橙類別種有五曰橙曰朱欒曰香欒曰金

櫟曰枸橘

全芳備祖

金柑 在他柑特小大者如錢小者如龍眼色似金錄橘生

江浙者皮甘肉酸

果譜

金豆 比金柑更小結實繁多錄橘甯波金豆橘形似豆味

甘勝於大橘

浙江通志

案金豆味香可為蜜煎

石榴 有數種曰官榴金榴銀榴飯榴巖榴官榴甚大果譜

一名金甌

羣芳譜

櫨 本草謂之榲櫨木葉花實酷類木瓜欲辨之者看蒂

間別有重蒂如乳者為木瓜無此者為榲櫨也

府志

松子 色黃白味似栗可食

廣志

桑甚

始生色青熟則色黑

東觀漢記注

蓮

一名藕實一名澤芝

本草釋名

藕

其生因月月生一節遇閏輒益一節

埤雅

以蓮子種者

生遲以藕芽種者最易發

本草綱目

蔗

葉似荻高丈許霜下後榨其汁為沙糖

蜀本圖經

菱

一名水栗

見風俗記

生湖塘池春種夏實有紅綠二色又

有刺菱

至正志

案又一種曰老菱可蒸食

案說文菱菱也桂馥曰水經注云或單舟采菱或

疊舸折菱此文家排句耳非謂二物也

芡

種池塘葉大如盤面有皺紋夏實形如大雞頭

案嘉靖志

俗呼雞頭

剖其子圓如珠

至正志

大而糯者佳

倦圃詩

梟茨 一名葶薺最大者與閩中地栗相似而甘脆差減

俗謂之土地栗寶慶志生湖泊下田中亦可種苗似龍鬚而

細根似指頭黑色至正志

茨菰 生低田中可種葉有兩枝如燕尾而大白花一莖

收十二實歲有閏則十三實三出至正志

藤藟 一名羊桃嘉靖府志

類婆 一名佛眼果嵩山集案似林檎而大味尤勝州

府產定海嘉靖府志

朱登乞雙峯山類婆果詩我昔南游三眼閣逢人一

笑啓丹唇祇今重到孤峯頂依舊丹唇一笑新我聞

如來有佛眼結子成時速寄來從此慈悲修廣日得爭開處便爭開

菩提子 樹如柿花亦大同秋社後取子為珠天台志

落花生 蔓生花謝時有絲垂入地結實故名一房可二

三粒味香美可以壓油原出福建近得其種植之曰土花

生采訪

花之屬

梅 有紅梅白梅綠萼梅玉疊梅蠟梅成化志達蓬山多梅

案鄭真題梅花圖詩我昔達蓬山下住

繞屋梅花千萬樹

陳著次韻定海趙簿咏梅詞松是交朋竹是鄰橫枝

臨水瘦月黃昏衝寒香入嶺頭雲清到底人共一般清

將驛致答花神從此去題動玉堂春

魏安健號郭千戶家紅梅詩誰分異種在侯家半

畝庭中照落霞海國清時人醉後酒香吹老歲寒花

謝泰宗萃魯觀梅詩路繞桃源漏早春仙姝獨占衆

芳辰山青喜見林間白樹右偏驚月下新律奏蛩音寒

裏園癡好便道枝頭景逾真

主

謝諸章野園錄夢梅詩萬種名山獨絕塵美人高士難弄倫無風無雨兼無日六合氤氲天地春

杏 一名甜梅譜羣芳

桃 有紅桃碧桃觀音桃瑪瑙桃緋桃成化志

李 枝幹如桃花小而繁色白譜花

梨 二月間開白如雪譜花有二種縱舒者佳花木考

棠梨 野梨也二月開白花譜花

棠棣 白棣樹也似李而小如櫻桃花正白陸璣詩疏

案棠棣為白棣與赤棣異桂馥云郭注爾雅顏注

急就篇皆誤以赤棣為棠棣

櫻桃花 春初開白花繁英如雪香如蜜譜花

榴花 有紅榴白榴粉紅榴千葉榴四季榴成化志

荷 花白者香紅者豔千葉者不結實本

謝緒彥秋官第觀荷詩 城北數椽非新築大父當年
讀書屋地偏不絕塵市氣息焉游焉忘局楚園繞門前
三畝田平鋪水面千紋綠影斜樹上有鳴蟬雨後池邊
沉野鷺客來隨意留蛙蔬淵明之酒葛巾漉六月荷花
已盛開紅白相映如雲簇大者高出儼羣仙小者低垂
宛童僕挺蓋隨風承露盤滴入花心更芳馥晨興坐對
炎暑清晚涼况復經新沐得句問花花不語自有深情
託幽獨茗華精鍊安得同便看明月非縮朒及此良辰
酒滿厄莫待松風零落時

蓮 有紅蓮白蓮千葉蓮志成越多雙頭蓮會稽三賦注

謝泰宗何園觀白蓮詩 昨夜姮娥墮玉英馮夷獻出
碧波擎香垂銀索搖豔羽露捧珠盤薦曉清慙愧六郎
脂粉面淨脩同社水山盟覓裝
一曲渾相近未必竟裝體態盈

謝緒彥傳公友石齋賞千葉紅蓮詩 千葉紅蓮花種
有君家僅我曾南圃旁小沼深深落乞藕惠三枝糞土
埋藏慎春雨連霧霖積水弱不韋東南好友來香獨青
蓮觀君謂交石中小盆數朵舜良會不可虛榮謝在一

瞬開樽列八人圍題體各認日落涼風生燒燭紗籠進
看花色逾嬌朱顏映蒼鬢我必欲兼之明年仍勿吝雙
沼炫雙眸三五蟾光印諸
君來共娛直恐以身徇

旱蓮 四明山中有旱蓮 四明山志

牡丹 以色丹者為上雖結子而根上生苗故謂之牡丹

本草 薛氏北園牡丹朝昏異色雨日異態陰晴風月異姿

介辭文集

謝泰宗看馬氏牡丹詩 花發去年枝人從今背想風
姨常護欄東君漫悵快虛疑造化遽遽傳失初像非緣
萬狀絕主人愛獨享富貴玉樓春國色朝酣賞池開與
慶前瑪瑙盤待則昔人姚魏稱今推馬氏長常年連袂
游風雨期或爽為問花開主擬將詩句住獨恨春光遲
桃李笑徒芳徘徊未得看色香即云盪既嘆時不遇追
憶前言周或言正當時傳言非不諫胡為黃紫容變態
亦摹倣時虎豹棘間花神不自掌漏洩在春先豈但鹿
啣槍支離語未
常賞花心逾瑣

五色牡丹案謝閩祥并日軒云鈔云迎暉軒五色牡丹自中州移種為浙水所未有

海棠 貼梗海棠土人稱閩路錦嘉靖府志有兩府垂絲等種案又

陳元核鐵幹海棠詩 海棠絕世韻仙姑真輕盈垂絲與西府人間佳麗呈何由有鐵幹以此濫得名高梁昔洗氏世傳夫人城手執方天戟驅馳羌戎兵凜凜標義氣軍中任縱橫遺之以巾幘無乃非其精

山礬 三月着花細小而縈香馥甚遠俗名七里香遵生八箋

木蘭 花似辛夷不結實亦有四季開者花譜

木槿 如小葵花淡紅色五葉晚花朝開暮斂本草衍義案俗以

槿葉沐髮

辛夷 開花初出如筆俗呼為木筆花嘉靖府志

玉蘭 早於辛夷故宋人名以玉蘭春千幹萬蕊不葉而花

當其盛時可稱玉樹花疏

紫玉蘭辛夷相類惟辛夷花紫玉蘭花白有別耳

紫荆 叢生春開紫花花謝即結子甚扁花譜一名紫珠花

乾隆志

紫薇 俗名百日紅嘉靖志一名怕癢花人以手搔其膚頂

輒動搖故名花譜

簷蔔 即黃梔花亦有白者嘉靖志

杜鵑花 案花以杜鵑土人號石巖花嘉靖府志舊云杜鵑先敷

葉後着花者謂石巖以別之然鄉里但謂之紅躑躅湧幢小品

史浩慈恩寺寂照院石巖花詩 溪山期雪銷籬落始聞

花信驚梅夢韶華一掃沖頭去清眼園林成翠幄誰知

幽谷猶藏春萬蒂千梢意態新霞分光彩氣欲熱露浥

燕脂色未勻墨工繪句漫稱好不見此花空到老子美

羞看黃四蹄還之不數紅雲島天上健步吾能用擬

擘雲頭騎綵鳳叫闌乞與生香歸只許牡丹名燕飛

芙蓉 出於水者謂之草芙蓉出於木者謂之木芙蓉紅

白變色者名醉芙蓉

花史 案蘇江逸志醉芙蓉晨起白色午後淡紅晚則變為深紅

嚴桂

俗呼為木犀

羣芳譜

有紅白黃三種亦有白色而四

季花者

成化志 季開者名月桂

案四

其花層接生枝間者為角犀聚生

枝頭者為毬犀諸花一放獨桂再放三放故以先放者為

頭木犀續放為二木犀

桐葉偶書

案南園漫錄云桂有桂樹之桂桂花之桂桂樹則

楚詞桂酒衡桂之類今醫藥所用取其氣味甘辛

乃用其皮也桂花之桂則詩詞所言今人家園圃

所植取其香氣郁烈乃尙其花也類書所載皆未

別白雖白孔六帖亦然

楊萬里謝定水僧送蒸木犀詩 春得鄞江
信香從定水來今年有奇事正月木犀開

菊 有紅菊白菊紫菊西施菊成化志 石菊僧鞋菊乾隆志 疊

金菊一名明州黃花心極小疊葉濃密狀如笑壓花譜 靈峯

菊本與凡菊異靈峯志

陳錫光虞園賞菊詩 主人留客醉芳華似入柴桑處
士家襲襲幽香風欲度蓮蓬清影日初斜從來不解悲

秋意老至真憐晚節花相約明年遺種在可容分得玉爲芽

蠟梅 原名黃梅熙甯間王安國有咏黃梅花詩至元祐

間蘇黃始名爲蠟梅巖樓幽事以檀心磬口爲佳夢梁錄

山茶 枝幹交加葉硬有稜格物論 大者曰月丹又大者曰

照殿紅蘇經詩注

海紅 產定海成化志 大曰山茶小曰海紅升菴外集

洋茶

謝道韞詩 一朵先春翠色新
輕寒小雨點芳辰
不勝美酒清佳客
亦恐香花笑主人
書到老年著不易詩
惟信口寫來真
天機又向南
枝動日日飛
觸羨願頻

瑞香 出明州又名睡香
花高數尺生山坡間
花如丁香

冬夏之交始發
呂大防瑞香詩序

曾幾得四明瑞香詩
錦樹團團海角州
移春檻裏見風流
兩三翠蓋
前無數香囊
綴上頭
絕代江梅相

對好姸人
山麝焚香
休衰翁若被兒童問
入眼

王十朋詩
長自香前
應後開
要將風味
鬪梅魁
客從處阜
夢中得
恨自
鄰山佳處
來風折錦囊
香不斷
日烘

寶蓋翠成堆
定須移向梅溪去
栽伴吾廬
桂與槐

迎春
案是花開最先故名
狀如瑞香
花黃色不結實
本

望春
即報春花
嘉靖志

酴醾

一名獨步春

乾隆志

紫酴醾有黃白二種白而心紫者尤香

薔薇

叢生多刺開時連春接夏清馥可人

羣芳譜

別有野

外叢生者名野薔薇香更穠郁美比玫瑰

倦圃蒔植記

木香

木香之種有三其最紫心白花香馥清遠高架萬

條望若香雪其清心白木香黃木香二種皆不及也

草花譜

陳元核白木香詩

花豔如美人花香如君子紅者為

富家白者為佳士折得木香枝晴窗伴書几素色綴輕

盈濃芳生玉蕊雖小其姿未與蓮菊擬一國與一鄉取善固如此配食水仙王亦堪薦所水

玫瑰

色媚而香甚旖旎可食可佩

學圃餘蔬

一名徘徊花

乾隆

志

月季

一名月月紅四時不絕

羣芳譜

案月季如玫瑰而香色次之

茉莉

一名鬢華

升菴外集

弱莖繁枝夏秋開小白花風味殊

勝丹鉛總錄 案茉莉有木
藤二種干綴者名玉玲瓏

素馨 枝幹袅娜似茉莉而小花有黃白二色本草綱目

含笑 其花若菡萏之未發者故名通雅有大小二種小

者香尤酷烈新話

蘭 產仙島山乾隆志

案蘭有春夏秋冬四種又一種名九頭蘭暮春盛

開亦有四季開者曰四季蘭

芍藥 一名婪尾春花譜有草芍藥木芍藥古今注

李世法醉休亭芍藥詩可離色正豔相對卻難離賢主情良薄清尊醉不辭石頭貪坐久花底愛吟遲猶恨初來此歸帆又掛時

金盞 葉葉相對夏開花子如雞頭實羣芳譜一名醒酒花

宛陵集注

石竹 纖細青翠花有五色枝蔓柔弱須用小竹扶之干

瓣者名洛陽花羣芳譜 驚毛石竹一名繡竹洛陽花木記

長春 枝幹有刺花紅四時常開福建通志

麗春 嬰粟別種羣芳譜 紫二品白亦二品遊獸齋花譜 案麗春花似長

春而差大三月開

萱 一名宜男風土記 一種名鳳頭音佳 格物論 案夏開

開者莖短而葉小 稽康養生論云合歡獨念萱草忘憂自古以為

二花沈存中謂合歡即萱草誤矣張翥閒評

鹿蔥 色頗類萱但無香爾鹿喜食之故名羣芳譜 案

名鹿蔥王象晉曰鹿蔥與萱莖葉皆各自一種

葵

有錦葵黃葵蜀葵

嘉靖志

案管天筆記蜀葵卽丈紅

案又有秋葵俗

呼向日葵

山丹

一名紅百合四月間開紅花六瓣

羣芳譜

其種有散

丹有卷丹

花譜

鳳仙

俗呼爲滿堂紅

嘉靖志

五月開花

花史

一名染指甲草

羣芳譜

金雀

花生葉傍色黃形尖旁開兩瓣勢如飛雀

花譜

可治

風氣

藥譜

黃雀

雍正志

金錢

午開子落亦名子午花

乾隆志

衛公言金錢花損目

西陽雜俎

銀錢

七月開

羣芳譜

玉簪

一名白鶴仙

乾隆志而小色淺

紫名紫簪亦名紫鶴案又有一種似玉簪

雞冠

一名洗手花

乾隆志

有一種高不過五六寸者名壽

星雞冠或謂之後庭花

碧溪漫志

水仙

本名雅蒜

案長物志六朝人呼為雅蒜

元祐間始盛得名

嘉靖府志

一種曰金盞銀臺其香既淑格韻亦下

會稽志

錦帶

枝長花密若錦帶然

小蓄集詩引

一名鬢嬌

成都古今注

南甚珍此花

石湖詩集自注

合驪 一名夜合五月開花

類要圖經

樹之階庭使人不忍

古今注

木屑

產定海

嘉靖府志

刺桐 花深紅色一枝數十蓓蔕言繁雜記

丁香 杜甫錢起所咏丁香即雞舌香今丁香花又一種

也不載花譜道古堂詩集

龍爪 俗名燈檠花乾隆志有紅黃二種生山谷間百花詩餘注

陽和志成化

散水志成化

寶相 有大紅粉紅二種藝花譜花類酴醾而秀整過之福建

通志

金燈 金燈色紅銀燈色白草花譜

玉屑 藤生花白如碎玉之狀福州府志

繡毬 一名粉團花百花詩餘注案一花衆蕊團團湊合如簇毬然初青後白其大如碗又

一種花如小蓋
開時亦爛漫

紅蓼 花開蓓蘤而細長二寸枝枝下垂色粉紅可觀水

邊更多故俗名水紅花

草花譜

佛桑

案花木考葉似桑故名

朱槿別種花大如蜀葵朝開暮落

本草綱目

挂蘭 產巖壑深處懸根而生人取之以竹爲絡挂之樹

底不土而生花微黃肖蘭而細不可缺水時當取下浸溼

又挂亦奇種也

草花譜

一名見風生

嘉靖府志

簪蘭 一名連及葉似筴花似蘭紫色垂垂可愛第恨無

香耳

百花詩餘注

虞美人 一名滿園春花葉類罌粟而小五色俱備恣態

慈秀

學圖餘疏

薛士學詩 妝殘幕下露圖空顏色如花舊楚宮

魚腸三尺雪染成腥血一枝紅微香斂萼春心舞

翻階舞節桐應根拔山人
不見託根芳草到江東

秋海棠 葉正綠反紅秋開名曰斷腸花採蘭雜志一名八月

春羣芳譜

翦春羅 一名翦紅羅乾隆志花淡紅色旁如翦刻福州秋

開者名翦秋羅案乾隆志一花瓣尖峭又一種名翦金羅

金黃色花甚美羣芳譜

燕子花 紫色全類燕子生於藤上一枝數葩溪蠻叢笑

蛺蝶花 以花似蛺蝶故名農圃書

六月雪 案是花六月開細碎如雪中有一點黃心

楊妃茶 單葉花開早桃紅色焦萼羣芳譜

真每原志 卷三十八 物產

夾竹桃

色淡花紅極森秀

蔣圃同春

珍珠蘭

案珍珠蘭本非蘭種以其氣似蘭而郁開時墨曇如貫珠故名

一名魚子蘭

乾隆志

謝佑琦詩

吹氣能勝弱不支勻圓顆顆競

晚香玉

案

皇朝通志花

俗呼夜來香

屠之蘊詩注

七姊妹

七朵一蓓故名色紫翠如鹿蔥

藝花譜

聚八仙

與瓊花絕類

齊東野語

案是花狀類瓊花而八蝶簇一心故名

海沙金

乾隆志

滴滴金

葉露滴地而生秋開花黃如金色

福州府志

西番蓮

花淡雅似菊之月下西施

羣芳譜

金絲海棠

案心有黃鬚鋪散於花外若金絲然

麥慘花

璵細如郁李雪色璨然二月間繁枝綠柎開放

極盛亦離落之清玩也倪九山集

寶化鳳花

戴表元同曹泰字賦寶化鳳花詩花開難得年年看
住近還須日日來古壁危欄自顏色不煩高築鳳凰臺
鳳凰不出幾何年莫怪小花惜杜鵑
一樣春風好毛羽回頭曾管蜀山川

草之屬

芝 芝生於土氣土氣和然後芝草生論衡驗符篇 春青夏紫

秋白冬黑孫氏瑞應圖 宋祥符五年有芝草生於瑞巖青松峯

之上嘉靖府志

蘭草 今之都梁香也爾雅翼

案趙宦元曰古蘭可佩今非其物也陳啟源曰古
人以芳草為佩取其柯葉之香華不預焉蓋佩欲

其久柯葉之香雖矮不歇華則否矣桂馥曰今人

盆盎所養蘭花冒蘭之稱猶桂花襲桂樹之號

蕙草

即今零陵香也

本草注

蓀

一幹數花比蕙則瘦而香過之

至正志

茅

春生芽布地如鍼俗間謂之茅鍼亦可噉

嘉靖圖經

蘆

案詩行葦疏云葦之初生其名爲葭稍大爲蘆長成乃名葦今人皆謂之蘆

有鳳尾蘆

嘉靖府志

荻

案詩七月疏云初生爲荻長大爲蘆成則名爲荻今人皆謂之荻

菱

似芹菜可食

爾雅疏

莎

一名水莎一名三稜草

成化志

薺

生水田中狀如結縷草

本草拾遺

今魚腥草又名水生草

細葉黃花

六書故

蒲

草名似蘭可以為席

廣韻案陶宏景云人家用席皆是莞草而薦多用蒲

荷

圓葉紅莖隨水淺深

顏氏家訓書證篇

蘋

花有白黃二色圓葉合成一葉如田字形

本草細目小者

曰萍

陸璣詩疏

苔

生於地之陰溼處

論物

在屋曰瓦松

本草俗謂屋蔭

青精

案天台山方外志太極真人青精石

謂之南燭又云

青燭

管天筆記案饒真青精汁漬米為之

芭蕉

一種名金蓮寶相葉尖小如美人蕉種之三四歲

或七八歲始一花瓣大於蓮故名

學圃雜錄

紅蕉終冬不彫四

時有花

問渠草注

謝綽恆紅蕉詩

紅蕉嘉禾滿山房倚檻丹心照夕陽

弱經秋橫扇影繁葩綴火映蒙荒

時語零露琴書潤

三

閒弄微風枕簟涼安得移時
單綱去夜深疎雨聽修廊

三白一農人以此驗歲云三葉白則歲熟
寶慶志案餘姚志三葉白草

生於水濱春夏水足三葉盡白否
則止白一葉或二葉占之絕險

鐵蕉與鳳尾蕉同類而稍異以鐵為糞將枯釘其根則

復生亦異物也云能辟火
百花詩餘注

薛荔絡生於頽垣敗壁間三四月開細花幽香襲人
草勁

集亭

案薛荔與絡石相類薛荔花香絡石有花無香此

其異也絡石草已見藥屬

女蘿一曰宛童
一名松寄生本草釋名在木曰女蘿在草

曰兔絲雅

慎火 一名戒火乾隆志 案俗用瓦缶植之云以驚火

金星乾隆志

卷柏 俗呼長生不死草生四明山雖甚枯槁得水即蔥

翠故謝靈運山居賦云卷柏萬代而不死寶慶志 案卷

青黃色高三五寸無花實多生石上

郭公案郭公蔓生結實圓而小色紅入風藥

仙人掌 緣石壁生如人掌故名能治腸痔瀉血福州府志

姚燮詩 乖龍割左肋化作太華石移置琉璃屏金天照眉碧灌之玉澤寒森然抱芒魄

夾麥青 清明時土人取以搗汁和粉為餅果餌食之四民

令月

萬年青 一名千年菴農圃六書

金剪刀

乾隆志案本草藉姑謂之剪刀草

老少年

一名雁來紅紅紫黃綠相間者名錦西風又名

十樣錦又名錦納

羣芳譜

石菖蒲

紫花者名昌陽

本草注

夜檠間置一兩盆可以收

煙不熏眼

養花新書

觀音草

生山谷中人以盆盛清水沙石植之則青着泥

則萎

乾隆志

金線草

葉圓如蟹殼蔓生節間有紅線

乾隆志

性寒涼治

湯火瘡

雁山志

吉祥草

紫莖花似瑞香而斂小近玩之有香氣

松鄉集案古

祥草四時
意翠不彫

翠雲草

一名鼠衣

百花詩餘注案翠雲草生陰地翠色可愛

延階草

乾隆志

鳳尾草

生巖石間葉如鳳尾性寒入痢藥

雁山志

馬鞭草

夏秋間開細紫花作穗子如蓬蒿子而細

本

狗尾草

一本多至五六穗穗多芒類狗尾俗呼狗尾草

九穀考

狼尾草

狼尾毛疏是草之毛亦疏不似狗尾草之密

九穀考

禹餘糧

海上有神草名藟其實食之如大麥七月稔俗

名曰自然穀或曰禹餘糧

博物志

苜蓿

葉似豌豆秋間開紫花結彎角中有子黍米大狀

如腰子

羣芳譜

卽今四鄉所種草子也深秋撒之三月開花

結實刈後水浸罨之以肥田甚資其利

鄞志

席草

甬東里多種席草民以織席爲業計其所贏優於

農畝

至正志

案席草卽燈心草也六書故云莞小蒲可以爲席
剔取其莖中虛白者可以漬油然燈故又謂之燈

心草

烟草 案烟草本閩產今土人亦多種以爲業利過於茶
然聞種烟數年易種他物土不甘亦穀蔬之大害也

鹹草

案鹹草蒲類也可織鞋邑人多種之

木之屬

松 三鍼者括子松五鍼者崧子松格物七鍼者果松羣芳

譜伏龍山松與各處不同問梅堂集案傳嘉讓詩云伏

天矯無藉人剪折

敬松 似松而葉大嘉靖府志

水松 葉如檜而潤長南方草木狀

柏 一名拘延雅有圓柏側柏羣芳譜案側柏葉側

海檜案爾雅檜枯柏類也葉尖如杅冬秀其質體刻成龍

鳳形懸根而植之益益可致遠至正志

水柏 似柏而枝下垂嘉靖府志

杉 木直幹似松而銳實似松蓬而細可為棟梁棺槨器

用材美為諸木之最亦謂之沙木沙杉之訛也六書人家

常用作桶板甚耐水本

桑 浙間植桑斬其葉而植之謂之稼桑二年即盛俞宗本種

書樹

栢 本裏有紋葉飼蠶曰栢蠶葉梗然不及桑葉本草行義

楊 皮正青者曰小楊皮紅者為大楊陸璣詩疏

柳 柔脆易生之物與楊同類埤雅

案陳藏器曰楊樹枝葉短柳樹枝葉長李時珍曰

楊枝硬而揚起故謂之楊柳枝弱而垂流故謂之

柳蓋一物二種也

黃楊 俗說歲長一寸遇閏年退三寸喻其慳長耳其質

貞堅葉細多依巖石上至正志

水楊 葉圓闊而赤枝條短硬與柳全別本草蘇恭注又一種

曰蟠楊耐水隄涯間多植之本草綱目

細柳 一名觀音柳青翠如髮春三月開紅花如蓼嘉靖府志

楸 楸樹性上郭雅注生山谷間亦植園林以為材用本草

遺拾

梓 楸類急就篇顏注案陸璣詩疏楸之疏理白色而生子者為梓

案陳藏器云楸與梓本同末異若柏葉之有松身

蘇敬以二木為一誤也

梧 春木也賈誼書似桐而皮青理細而縝葉亦似桐稍

小而銳四月間華下垂細蕊莢長數寸結實繁滋邱晉涵爾雅正

義

桐 桐與梧既異而桐之中又有數種其子可以取油者

蓋卽詩所謂其桐其椅其實離離也有華而不實堪作琴

瑟者書嶧陽孤桐是也爾雅翼

檀 有黃白二種黃者尤堅忍六書故

櫟 有黑心櫟白櫟縣櫟白櫟子尤細縣櫟以堅忍得名

六書故 櫟有二種一種不結實者名械本草

榆 生田陸間其皮類槐其肉理堅緻而赤鋸以爲器堅

而耐久通鑑注 一名用柳嘉靖府志

棟 高丈餘葉密如槐而長三四月開花紅紫色實如彈

丸生青熟黃圖經 俗謂之苦棟子爾雅翼

穀 卽今之楮樹也漢書郊祀志注 汁能寫金廣州記 案說文義證 漢人呼穀樹

謂構漿吾鄉謂穀汁曰穀樹漿

案戴侗六書故曰楮穀兩種一種高大皮駁實如楓實熟則紅書所謂桑穀並生者也一種皮白葉長實小如覆盆子其實不能高大俗謂扁穀所謂楮也

槐 似檳葉細而不黑花黃可染增韻

椿 葉香可啖圖經本草俗呼香椿羣芳譜

案香者名椿臭者名樗一類二種

樺 案大者宮室之材實謂之樺子

楓 似白楊葉圓而作岐有三角而香霜後葉丹可愛故

騷人多稱之圖經本草案取其脂可以為香

楮 似柞子可食 案本草拾遺 作屋柱難腐 山海經注

檉 河柳也 說文 案通志 檉意態 近世呼河西柳醫家

用之治小兒癰證 毛詩稽古編

樟 生溪谷間歷數百載不衰老根盤踞高突地面屯陰

數畝 至正志 江南以樟為船 西陽雜俎 釣樟樟之小者 本草

荆 有青赤二種青者為荆赤者為楷 毛詩稽古編

櫨 似春莖間有刺子辛粹如椒 案福州府志 南人淹藏

以為果品或以寄遠 爾雅翼

栗 叢生大者杼木 毛詩義疏

白栗 成化志

麻栗 性至堅名石先爛 嘉靖志

檉或作皮似檀槐葉如櫟榭爾雅釋木謂之柜柳衍義謂

之檉柳實一物也本草別錄

桐木名寒而不凋類篇

烏柏葉可染旱子壓為油塗頭令白變黑為燈極明本草

拾遺

沙樸嘉靖府志案皮鱗紋而厚因以得名

溪口嘉靖府志

石關嘉靖府志

雞骨產定海嘉靖志

山桃成化志案山桃葉長有毛花如桃紫色不實

香榧雍正志案廣韻榧小榧也

鎮海縣志卷三十八物產

青樛 正字通樛木長也不著何木唐書孔戣傳蕃舶泊

步有下碇稅今凡巨舟以鐵作三爪狀用以定泊曰鐵貓

用與碇類海舶則代以木亦曰碇其橫檔曰碇擔皆須青

樛爲之濱海之地戰艦所須故附識焉

鄞志

櫻欄 一名栟欄葉似車輪樹下有皮纏之附地起二旬

一採轉復上生

廣志

櫻筍狀如魚子味如苦筍而加甘芳

至正

志割取櫻欄之皮可爲繩索

古文苑注

今邑中細民有業此爲

生者

冬青 一名女貞江左謂之萬年枝終冬不彫

至正志

俗呼

爲凍青樹

群芳譜

天竹 梅雨中開細白花結實枝頭赤紅如珊瑚成穗植

之庭中能避火穉者矮而多子梗者高而不實羣芳譜

羅漢松

葉長而狹色蒼秀可愛凌冬不彫

福州府志

蓓蓓樹

案蓓蓓樹高大葉如茶樹產柴橋

栲 長五六尺葉實可染黑根奇古成形可雕人物采訪冊

竹之屬

淡竹

有大小二種可為紙

乾隆志

其葉入藥性涼

嘉善縣志

案圖經本草甘竹即淡竹也夢溪筆談淡竹對苦竹為文除苦竹悉謂之淡竹後人不曉於本草內

別疏淡竹為一物非也

苦竹

竹之醜類有四有青苦者白苦者紫苦者黃苦者

齊民要術

烏竹案以其筍最佳雍正

斑竹 一名湘妃竹乾隆志案博物志舜二妃曰湘夫

謝泰定詩栽得實筍竹萬竿清風長日報

紫竹 小而色純紫福州府志可為笛簫其粗者為繳柄嘉善縣志

石竹 節疏而平可為器用福州府志

筋竹 蔓竹之類也最細然大於篠箭通雅筋竹堅利南中

人以為矛羅浮山志筍未成竹時可為弩弦西陽雜俎

筍竹案本草作桂竹色深而葉密避暑錄話

箭竹 叢生小而疏節或長二尺山澗旁生通雅中實如箭

葉甚大乾隆志案箭竹可為箭幹

貓竹案通雅箭如一名毛竹幹大而厚異於眾竹人取以

毛竹叢生潤邊
芳

筴竹雍正

蘆竹有竹象蘆因以為名
竹譜
案蘆竹生溪澗澤處叢小葉疏

慈竹性叢生根不外引其密間不容筍筍生夏秋
益部方物

略記

水竹巖下潭水叢生
俗贊甯
葉如竹而短小
通雅
案水竹高不

盈尺可供盆玩

篠竹嘉靖府志

鰻竹嘉靖府志

四季竹節長而圓中管簫巖生者音清亮
羣芳譜

佛面竹即人面竹之大者
通雅
案興化府志幹與常竹無異惟兩節間突起如人

面可以
爲杖

觀音竹 高僅尺餘密篠扶疎可供盆石之玩

福州府志

龍鬚竹

案以形名

鳳尾竹 葉細小慈竹別種

乾隆志

公孫竹 高不盈尺

乾隆志

方竹 昔葛仙翁鍊丹於靈峯植竹箸化竹而方今或聞

生巖谷

嘉靖府志

僧如訥詩 抱樸曾來養柔砂戲拋竹箸便
抽芽龍孫或自隨灰劫但有名存實已賒

筍 案春夏之交土中出筍折取之爲蔬如其竹名毛筍

烏筍龍鬚筍最盛次則筋筍淡竹筍於竹根行鞭時掘取

嫩者謂之鞭筍冬月掘取根下未出土者爲冬筍並可鮮

食為珍品鹽曝者為鹽筍並可為蔬食曬筍乾之曰筍脯

可以行遠

羽之屬

雞

知時畜也

說文

八月線雞九月伏雞

張氏補農書

稍雞

嘉靖志

竹雞

比鷓鴣差小毛羽褐多斑赤文自呼泥滑滑所在

山谷多有之

格物總論

俗傳白蟻聞之即化為水

赤城志

鷺

長脰善鳴義首似傲故曰鷺

韻會

案爾雅注野曰雁家曰鷺

鴨

玉篇

案水鄉人家畜之者甚多

鳬

今所謂水鴨也

急就篇顏注

大小如鴨青色卑腳短喙

陸機

詩

江湖水泊多有之

至正志

鶯 有友鳥玉篇一名倉庚格物總論案成化志列鶯鶯鶯為二鳥誤常以甚

熟時鳴桑間亦應節趨時之鳥陸璣詩疏

燕 元鳥說文春社來秋社去謂之社燕其紫胸輕小者是

越燕胸斑黑聲大者是胡燕至正志

雁 案燕雁二亦鴻類也其色蒼黑急就篇注案詩鴻雁

雀 依人小鳥也說文老而斑者曰麻雀小者黃口曰黃雀

通雅

鴉 今日老鴉通雅一種名寒鴉比常鴉頗小十月自西北

來其陣蔽天及春中乃去會稽志

烏 孝鳥也說文純黑而反哺者謂之烏小而腹下白不反

哺者謂之鴉小爾雅案卑雅烏一名鴉其名自呼

鴈 一名鵠鳩蒼黑色鷺鳥也七月則取禽以祭天福州府志

鵠 拳堅處大如彈丸俯擊鳩鵠食之捷於鷹隼埤出海

島中然亦少得至正志

鷗通作水鵠也今江甯畔形色似白鵠而羣飛者是也列

文釋鷗知風雨若鷗飛至岸即有大風南越志

鷺 水鳥也青身而七八寸尾如鷹尾喙長三寸頭上有

毛十數枚欲取魚則弭之今吳人亦象焉陸璣詩疏

鸛 水鳥也將陰雨則鳴詩東似鵠而大長頸赤喙白身

黑尾今人通呼為鸛鵒爾雅鸛有兩種似鵠而巢樹者為

白鸛黑色曲頸者為鳥鸛名錄

鷺 水鳥集韻今甯波甚多初夏來而深秋去食海濱小魚

遺矢白色蓋海鳥也或云似鵠而稊樹即白鵠鄞志

鳩 鳴鳩今之鴉鳩也案樓鑰答楊敬仲論詩不能為巢

天晴則呼其牝雨則逐之所以常聞其聲故曰鳴鳩爾雅郭注

鴿 有家鴿野鴿之分至正志案嘉興志野鴿甚少東

南之俗以養鴿鴿為樂寓金鈴於腰鑄鑄如雲間之佩見

後船發海路必養白鴿雖數千里必能歸家見國史補此

船鴿所繇名也管天筆記案福州府志鴿性甚馴善

放之還家故又名船鴿認主人之居類人寵以泛海有故則繫書

戴勝 似山鵲而尾短青色冠俱有文飾若戴花勝方音

百舌 反舌鳥案禮月令反舌無聲能反覆其舌隨百鳥

之音御覽引易俗呼春鳥嘉興縣志案朝野

通卦驗

雜記百舌春鳴夏止

子規 一名怨鳥夜啼達旦血漬草木雅一名謝豹嘉志

練鵲 形似鵲而小尾長而色白雁山志

山鵲 知來事鳥說文案淮南子乾似鵲而有文采長

尾背腳赤爾雅俗呼喜鵲案禽經注人聞其聲則喜故云喜鵲

案爾雅鴛鴦山鵲鄭樵以鴛為喜鵲通雅鴛一曰山

鵲則山鵲喜鵲山鵲實一鳥也

畫眉 出山谷間至正志案蟲天志此鳥各棲一白眉

褐質善鳴好鬪福州府志其侶過之必苦鬪無其棲者

白鵲 似雉色白背有細黑文福州府志時自銜尾蓋自愛其

羽翼爾雅

鴝鵒 鴝鵒鴝鵒鴝鵒也一物二種通雅案本草綱目以鴝鵒分二物而以

鴝鵒

鴝鵒 水鳥也一名淘河腹下胡大如數升囊好羣入澤

中打水食魚因名漢書五行志注鴝鵒之屬有信天緣正字通案

天緣俗名青鴝色正蒼而喙長擬立水際不動魚過其下則取之

終日無魚終不易地朱翌信天緣堂記

鴝鵒 一日較鹽說文雅今之鴝鵒案通似鳬高足江淮畜之可以

壓火一切經音義

伯勞 似鴝鵒而大爾雅注一名姑惡韻會案楊慎云伯勞形似鴝鵒但鸛鵒

噴黃伯勞咏黑以此別之

案伯勞姑惡皆鹵風之鵒也乾隆志誤析為二鳥

今併

青萊成化志

黃頭善鬪故人家取育之至正志或項臆間一痕作黃金

色者名金帶黃頭尤趨健海甯縣志

桑扈一名蠟嘴其嘴凝黃如蠟故名俗多畜其雛教作

歌舞本草綱目

斲木口如錐長數寸常斲木食蟲故名爾雅郭注

鸚鵡似百舌頭有兩毛角者一切經音義一名寒皋本草釋名隨

處有之人取端午前新雛去其舌本則能如鸚鵡言至正志

索御覽引異苑曰五月五日剪鸚鵡舌令學人語

鵲領雀屬也飛則鳴行則搖爾雅注俗呼雪姑其色蒼白

似雪鳴則天當大雪埤雅引物類相感志

鴝鵒

桃雀也俗名爲巧婦江東呼蘆虎

爾雅注

鷓鴣

臆前有白圓點背閒紫赤毛其大如野雞多對啼

雖東西迴翔開翅之始必先南翥其鳴自呼薄杜

嶺表錄異

翡翠

雄赤曰翡雌青曰翠其小者謂之翠碧一名魚虎

性善捕魚

埤雅案石林詩話江淮間有水禽號魚虎翠羽紅首顏色可愛

鴛鴦

匹鳥

詩鴛鴦傳案古今注雌雄未嘗相離故名

其大如鶩其質杏黃

色頭戴白長毛垂之至尾尾翅皆黑今婦人閨房中飾以

鴛鴦黃赤五彩首有纓者乃是瀾鸕耳

爾雅翼

瀾鸕

水鳥毛有五色食短菰其在溪中無毒氣

爾雅翼

鸕鷀

似鵠而黑水鳥也紫頭曲如鉤食魚此鳥胎生從

口內吐出一產八九中國或謂之水鴉也

一切經音義

今人謂

之水老鴉畜以捕魚

說文段氏注

提壺

成化志案其鳴若云提壺盧

白頭翁

形如脊令其飛如燕之頡頏頭上有白毛身蒼

色

山堂肆考

婆餅焦

鳴於麥秋

談薈

雉

野雞也玉篇有數種質五色有純白爲中瑞純黑爲下

瑞

至正志

紅鶴

產明州海島

成化志

江貓

短頸鳥也形小而多羣日處海濱或飛鳴於山次

日必起大風

舟山志

鵓

怪鴟也

廣雅

一名忌欺

御覽引何承天纂文

一名訓狐

唐書五行志

頭如貓亦如貓鳴或有時而連囓如休留之聲通雅土人呼

為逐魂山堂肆考作魑魂鄧志

毛之屬

虎 山獸之君

說文

山林有而不多官以皮賦反鬻於他郡

充之

至正志

豹 身似虎而小圓斑尾長亦間見之

至正志

毛赤而文黑

謂之赤豹毛白而文黑謂之白豹

陸璣詩疏

大洞山上有豹洞

乾隆志

狼 似犬銳頭白頰高前廣後

說文

其鳴能小能大善為小

兒啼聲以誘人去數十步其猛捷者雖善用兵者不能免

也

陸璣詩疏

豺 似狗白色有爪牙迅捷善搏噬一切經音義引蒼頡解詁今人稱

豺狗爾雅翼

貉 似狐善睡獸說文毛質滑膩可愛墨客揮犀二州四縣以皮

賦至正志

鹿 解角獸也爾雅注嘉靖三十六年獲白鹿以獻陸贄明州

雜詩

麋案嘉靖志貢賦鹿子曰麋國語

麋 鹿屬亦作獐玉篇案乾隆志有有牙者有無牙者

然其牙不能噬齧古今注獐有牙而不能噬鹿有角而不

能觸是也圖經本草

麂 似麋而小有牝牡至正志長牙好鬪其聲如擊破錢鈹

本草衍義案麂皮可為履扁勝於象皮

猿似獼猴而大玉篇

猴一名胡孫海山多有之至正志

狸或作狸野貓廣頰有數種然貴在九節狸玉面狸少至正志

獼水狗形類犬鼻尖尾大四足俱短頭與身俱扁毛色

紫褐食魚居水中出水亦不死至正志世謂之水獼本草衍義

海獼大如狗腳下有皮如人胼拇毛着水不濡生海墘

至正志

驢似馬長耳其毛厖褐能旋磨及馱負急就篇補注

騾螺馬也廣雅案古今注驢為牡馬為牝即生騾

案驢騾皆非地產因舊志所載仍之

黃牛 黃牛虎文謂之𧇵黃牛黑脣謂之特爾雅

水牛 與黃牛別古謂之野牛說文段氏注

猪 江浙間猪黑而羊白容齋四筆

豪猪 俗呼野猪脊有長鬣三四寸利如錐湖州府志

羊 小曰羔大曰羊詩七月傳

野羊 似吳羊而大角爾雅翼

案張揖子虛賦注野羊麀羊也顏師古曰野羊今

所謂山羊非麀羊矣

狗 家畜以吠守玉篇小曰狗大曰犬禮記疏

田狗 形似狗而小毛深溫厚可作煖耳用雁山志案象山志豸土

名田狗

貓 食鼠狸

爾雅注

蠶時畏鼠盜食家必畜貓

譚貞默小化書

案貓有長毛白黃色者稱曰獅貓不能捕鼠徒為

美觀

兔

口有缺尻有九孔

崔豹古今注

毛可為筆

玉篇

栗鼠

腹紅食栗子

桃源志

松鼠尾小栗鼠尾大

天台山方外志

松鼠

腹大食松子大者名松狗

桃源志

田鼠

案夏小正田鼠者鼯鼠也

形類鼠而肥多膏旱歲為田害

本草注

鼯鼠

地行鼠也

說文

腳絕短尾長寸許目極小項尤短

本草

義衍

鼠狼

鼯善捕鼠故有鼠狼之名

案說文鼯如鼠赤黃而大食鼠者

藝文

類聚引廣志云黃鼠善走凡狗不得惟鼠狼能得之今俗

通呼黃鼠狼好夜中食人雞人捕取之以其尾毛爲筆雅廣

疏證

鱗之屬

石首魚

尾鬣皆黃一名黃魚

物產志

一名驤

爾雅翼

案

引字林云鰾魚出南海

首有魴堅如石故名

案嶺表錄異石首魚

狀如鰾魚隨其小大

有一石子如蕎麥莖如白三能

改齋漫錄兩浙有

云是明州來問人以石首之名皆不能言余

錄載吳有冬月得之又緊皮者

石首魚至秋化良三月八月出者次之至四月五月海郡民發巨艘入洋

山競取有潮汎往來謂之洋山魚

華夷鳥獸考

案閩中

月小滿爲頭水五月底午爲二水六月初爲三水其時生

者名洋山魚其薺鰲也頭水者佳二水勝於三水八月出

桂花

石首魚皮輒肉薄用鹽醃之破脊而枯者曰鰲全其

產

魚而醃曝之謂之郎君鯊皆可經年不壞通商販於外正至

志案物理小議曰鯊即石首也出甯波健跳者上爵溪者次之春末夏初佐以藏水曰

冰鮮海族志石首魚腹下鰓可作膠今以入饌曰魚肚味

甚美且食之益精氣鄞志

春魚似石首而小每春三月業海人競往取之名曰捉

春不減洋山之盛冬天蒲中有者曰蒲春寶慶志案大業拾遺記春魚

歲以仲春至鹽渚而乾之名曰會肚

黃滑魚似春魚而肉細案至正志冬月得之爲美又有一種曰烏眼

白眼皆相類寶慶志

梅魚首大朱口金鱗寶慶志長可三四寸至正志石首小者

名躡水即梅魚也味頗佳頭大於身人呼爲梅大頭出四

明梅山洋故名或云梅熟魚來故名

異物志

案屠本峻海味索隱鯉魚黃魚各有一種肉與味亦自不同卽如吾郡梅魚比黃魚極小肉與味正相似閩中呼爲小黃魚其鱗色燦爛金色如大黃魚也然各自一種合鯉魚爲一種誤矣又案南湖集石首魚春魚梅魚三物形狀如一而大小不同爾

鱸魚 有塘鱸形雖巨不脆有江鱸差小而味淡有海鱸皮厚而肉脆曰脆鱸味極珍邦人多重之

資身志海中四腮

鱸曰脆鱸江鱸

華夷考

雙魚 狀似鱸而肉鱸三腮曰鮓四腮曰茅鮓小者曰鮓

姑寶慶志

一曰茅狂

兩航雜錄

亦作鰲

通雅

四明諺云甯可棄我三

畝稻不可棄我鰲魚腦蓋言美在腦

閩中雜記

鰲鰓

一名鰓魚身扁而銳狀若鐸刀身有兩斜角尾如

燕尾細鱗如粟骨軟肉雪白於諸魚甘美第一春鰓最麗

寶慶志

腊而菹之良

至正志

小者曰斗底鰓其形圓

閩中雜記

又呼為鰓魚以其與諸魚羣故名

嘉靖志

比目魚

案即爾雅所謂鰈也

東海所出

文選吳郡賦注

案鰈細鱗

而身扁若半片然止一目狀比鰓鰓而小舟人捉春時得

之則曝乾為鱮可致遠

至正志

狀如鞋屨鰈實其名

鰈魚

箸魚

其形似箸又有極大者名鰓鰓

寶慶志

生海中取其

形似寶非一種

至正志

四明謂之江箸又謂之箸漂以其行

漂漂故名

閩中海錯疏見只編作箸鰈

案

案箸當作弱其形似弱蓋比目之類俗書作箸

劉仁本明州歌 烏橄飯 箸魚羹阿婆燒火新婦烹

白魚

案集韻鮓白魚別名白一作魚

板身肉美

寶慶志

江海俱有

至正

大者

六七尺

閩中海錯疏

箭魚

即江湖鰮魚海出者最大甘肥異常腹下細骨如

箭鏃俗名箭魚

案山堂肆考鰮魚一名箭魚

味甘在皮鱗之交土人和

鱗煮供之春晚與筍尤稱

寶慶志

全祖望曰鰮魚之名不登爾雅案釋魚曰鰮當鰮郭氏曰海魚以鰮而大肥美多鰮江東呼其長三尺者為當

鰮是其為鰮審矣以是知晉時尚未有鰮魚之名也廣

韻始有鰮名矣集韻曰鰮即鰮也似鰮而大鱗肥多鰮

以是知宋時雖有鰮名而尚未甚著故唐人不見之於詩然則鰮魚在古曰鰮在後曰鰮而當鰮其別字也鄧

人呼曰箭魚意在嫌其多骨云

肋魚 似鱗魚而小身薄骨細冬月出者名雪映魚味佳

至夏則味減矣率以夏至前後為期潛確類書案養魚經鰓魚腹下之骨如

鋸可勒故名出與石首同時 肋魚細骨滿肋肥者僅充口瘦即無所取

寶慶 明州初夏多出至正志

竹筴魚 近鰓尾有硬鱗青黑一名土鱧嘉靖府志

火魚 頭巨尾小身圓通赤故以火名又一種名石敦卒

寶慶 又一種名竹夾頭身俱扁微紅而青色形頗相類或

曰近鰓有硬鱗色青黑又名土鱧至正志

鱗鯉魚 極大而骨脆肉肥亦可為鮮寶慶志

魴魚 板身銳口縮項穹脊博腹細鱗色青白而味美不

減槎頭又名鰮魚

閩中海錯疏

為鯊極美

海族志

鰮魚

似鰮腦上凸起連背而圓身肉白而甚厚尾如燕

子只一脊骨而無他鯁

閩中海錯疏

鯊魚

狹薄而長大者長尺餘一名刀魚

案腹如刀刃故名

常以

三月八月出

寶慶志

子多而肥明州人夏初曝乾可以致遠

又可為鮮其子曝乾名寸金鱖子又云糟之可作湯

至正志

江鯊湖鯊皆有子海鯊無子

宛委餘編

鯊魚或同章舉與鰕合

為鮮謂之三和鮮可致遠世說虞嘯父答孝武云天時尙

煥鯊魚鰕未可致即此也

寶慶志

案雨航雜錄云鯊魚一名魮又名鯊魚山堂肆考

云鯊一作鱗魚有鱗長尾扁身本草云鱗魚一名

鯊魚鯊鯊一物而異名實則鯊也寶慶志鯊魚鯊

魚分別今併

鯊 冬月尤美海錯之佳者

嘉靖府志

案圖中海錯疏如鯊而小鱗青色俗呼青鯊

魴魚

形圓似扇無鱗色紫黑口在腹下尾長於身如狐

尾其最大曰魴魚卽與魴魚可錯靶者其次曰錦魴去沙

煮爛與鯊裙同又次曰黃魴差小背黑腹黃其餘有斑魴

牛魴虎魴

寶慶志案至正志魴或作魴

地青魚 尾有刺甚長逢物則撥之毒能中人色白者曰

地白與魴相類又名邵陽魚鼠尾魚可作鯊

寶慶志

魴魚 形似魴以鹽裹之曝爲鯊名曰魴鯊俗又呼老鴟

鯊去皮生擘成絲供飣

寶慶志

吹沙魚 魖鮓今吹沙小魚常開口吹沙故曰吹沙性善

沈大如指狹圓而長有黑點俗呼為新婦臂味甘卑雅案鶴林

玉露有浙人侍壽皇宴因談肴核上問其鄉里所產對曰螺頭新婦案鶴林老婆牙皆海鮮也正月輒至

生流水中非可畜之池沼者至正志泥魚似吹沙而首大江

河中皆有之寶慶志

土附魚 似吹沙而大黑皮細鱗如粟無鬣山堂肆考案養魚經似

黑鯉而短小杜部魚出溪河長四五寸成化志

案或作土鰲一作土鮒亦作土步又作土部俗作

吐哺其名不定程大昌云此魚質沈常附土而行

不似常魚浮水遊逝此為近之

鯉魚 出江河三十六鱗又號赤鱗公嘉靖志越人謂鯉之

小者爲鯉花

會稽志

鯉魚 出湖河身圓鱗細而黑頭有七星如北斗夜半仰

首向北

嘉靖志

諸魚中惟此魚膽甘可食

本草注

一名烏鯉

中

海鰈

鯽魚

形似鯉而小

案閩中海鰈疏鯽似鯉體促出河水腹大脊隆肉厚色白而微黑

者色白湖中者色黑

嘉靖府志

產海晏鄉者尤肥美

乾隆志

鰻魚

似鯉生淺海中專食泥身圓口小骨軟肉細介象

與吳王共論魚以鰻魚爲上取其益陰

雨航雜錄

鰻魚性慧不

入網罟海人以長網困之俟潮退取之肉厚味美凡海中

魚多以大噬小惟鰻魚不食其類

物產志

鵠嘴魚

產定象

嘉靖府志

澤魚

形似鯢魚而小頭骨皆軟味亦甘美

嘉靖府志

鯊魚

案玉篇鯊魚

皮上有沙故名有白蒲鯊黃頭鯊白眼鯊白

湯鯊青頓鯊烏鯊斑鯊牛皮鯊狗鯊鹿文鯊鰻鯊鯢鯊燕

尾鯊虎鯊犁到鯊香鯊熨斗鯊了鯊劍鯊刺鯊

寶慶志 鋸

鯊成化志

案至正志賦役門皮貨額皮有沙魚皮

馬鮫魚

形如鱸魚味似鯢魚品在鯢鱸之間

寶慶志

黑斑

最腥魚品之下

至正志

案勾餘土音詩話鮫魚過二月其味大劣在社前後則清品也

何以於四明志中貶之

一名社交以其交社而生

嘉靖志

馬鮫色白如

錫俗名擺錫鮫連頭尖骨爽味甜無鱗小滿及夏至隱於

海中其小者名青箭

事物原始

帶魚 海物異名記曰修若練帶寶慶志無鱗身帶長可四

五尺故名

至正志

小者曰帶柳

閩中海錯疏

華臍魚 一名老婆魚一名壽魚壽一作綬腹有帶如帔

于生附其上或云名綬者以此吳都賦曰琵琶魚注云琵琶

魚無鱗其形似琵琶冬初出者俗多重之至春則味降

矣

寶慶志

華臍魚如科斗大者如盤

至正志

銀魚

口尖身銳如銀條

宋魚經其形細明瑩如銀

又一種極小者

名麴魚

寶慶志

爾雅翼釋魚王餘長五六寸身圓如筋潔白

而無鱗但目兩點黑耳卽此類舊志在比目魚項下載吳

都賦曰雙則比目片則王餘實附會之說非也

至正志張先入越

詩春後銀魚霜下鱸遠人曾到台思吳

銀鰕魚 應海鰕而起俗呼為湖西洋山魚鄞志案句餘土音注洋

山魚期至湖上亦有小種名銀鰕

玉筋魚 小魚味甚美句餘土音注

蜜姑魚 大鮎似鯉而差小大鱗有脊骨無細鱗鰕冬月

子肥美生湖塘四明謂之蜜姑閩中海錯疏

鰕 海中者極大案咸化志生海似蛇而色青白齒銛利

冬晴鰕之名風鰕江湖河中者曰慈鰕小而色黃埤雅曰

鰕有雄無雌以影漫鰕而生子今鰕腹自有子未必皆漫

鰕也寶慶志有子者海鰕也江湖河中者皆無子埤雅是鄞志

陣鰕出畧猛江味甚美不可常得至冬西風起始有之乾

志箭鰕多骨而肥最大者僅如指味極佳溪上遺聞

鱗魚 身如膏髓骨柔無鱗寶慶志龍頭乃鱗之大者句餘

注東門外所網勝於他處陳志

鮎魚案說文江東通呼鮎為鮎爾雅釋大首方口背青黑

無鱗多涎本草出河成化志

鱮魚案福州府志鱮魚青色無似鱧而黑史記司馬相如傳注大頭

細鱗目旁有骨正字雌生卵雄吞之而成魚閩中海錯疏

鱧魚 口小鱗細身色白閩中海錯疏俗呼為鱧頭雅通

黃鰕魚 頭大身有刺無鱗黃色嘉靖志鰕魚似鮎而小其

聲缺亂本草名黃鰕四明謂之鰕鰕閩中海錯疏

鰕案山海經注鰕鰕音善今人所食之黃鰕也黃質黑文說文段氏注

出溝河嘉靖府志案通鑑

注江東溝港皆有之

土龍

似鱖而小

閩中海錯疏

鰓魚

一名河豚又作狔江淮河皆有之本草肝及子有

大毒肉小毒煮之不可近鑊當以物懸之一名鵠夷魚以

物觸之卽嘔腹如氣毬亦名嘔腹魚一云獨眼者尤毒惟

橄欖木魚苕木解之次用蘆根烏蘆草根汁昔永嘉有廚

人喜其肥美竊食之卽仆噤不語欲絕以黑豆槐花研汁

攪不潔大藥進之乃嘔吐得活

寶慶志

河豚腹下白背上青

黑有黃文眼能開能閉觸物輒嘔腹脹如鞠浮於水上其

腹無膽頭無腮故肝最毒舊言甚於野葛大抵出海中者

大毒江中者次之又一等名白河豚又名鮠魚其狀相類

無毒

至正志

鰓魚次肚魚非本草所載河豚規魚浙東人所

呼其生海中者腹上有刺名海規吹肚南人通言之以其
腹脹如吹也補筆俗名西施乳閩中海錯疏

案本草衍義云鰾魚有大毒味雖珍然修治不如
法則殺人厚生者不食尤佳

江豚 形似猪一名大白其身多油以之照紡績則昏照
賭博則明舊傳爲懶婦所化嘉靖志

闌胡 形如小鰕大者如人指長二三寸許頭有斑點簇
簇如星潮退數千百萬跳躑塗泥中海婦挾簪取之如拾
芥名曰闌胡一名彈塗以跳躑取名案俗呼爲跳魚以孟覆活者

數百於地旦發視之駢首俱供北無一參差者亦異矣寶慶

椒醬乾腊之至正志

鱖 今泥鱖也似鱖而短無鱗以涎自衛難握與魚爲牝

牡 卑雅 案閩中海錯疏產水田中大如指

過臘 頭類鯽身類鱖又類鯉魚肉微紅味美尾端有肉

中有牙如鋸好食蝓蚌以臘來春去故名過臘四明謂之

銅盆 案臘乾者 謂銅盆鮓 又名郭磚 閩中海錯疏

楓葉 海樹霜葉風飄浪翻腐若螢化厥質爲魚 海物異名記

案赤城志形小味極珍

沙蒜 閩人呼爲泥筍盛夏能凍 句餘土音詩話

麥魚 出三山形似玉筋而味尤美以麥時始出故名 陳志

鱖

鱖魚 鮓即鱖魚也以其食草呼爲草魚 通雅 色微黑一名

鯤閩中海
鯤錯疏

郎君魚

全祖望郎君魚詩
得一丈夫郎君真健者應運起新蒲

海鮪食單竹初詩鈔作海鮪隨圖
案李鄴詩作海鮪隨圖
葦間集云魚喜燈影夜把

火照則羣集而取之以鮪為豔取其音相近也
志鄧曝乾大

僅如米粒而東人目為珍品
重論文齋筆錄案
隱園食單味同蝦米

美宸英寄緘王阮亭海蠶詩
風中一寸魚燭光夜照鮫人室
小隊羣游似錦舒
蘇成

先生多贈致欲教微物長吹噓華
堂宴集與言詠持比琴魚定得如

全祖望詩春洋來海鮪半翅未能加小品足清致金
光帶日華數器多不億并命有堪嗟
湛老呼名錯原無

豔可誇

錢維喬詩明甲數海物最美
江珧誇我來兩食之似
較鹽始嘉退之
甲杜怪屬徒驚呀風味敵荔支亦覺

坡言差其次衆鱗介列市形支又肩輿每東出捉鼻腥
風國我生薄滋味適口不敢奢尊羹未下豉淡食胃輕
加隨園令鄒平食經手搜爬行廚昔分飮調劑追狄牙
書來索小魚細字注眼花我讀慙然笑再讀乃自嗟一
官溺斥鹵鰯縮居伴鰯失雄鰯慙然笑再讀乃自嗟一
墨易滅蚶瓦稜難連鰯黏千百多鰯顧左右斜嗜好復
殊性食鰯旋食誰于遂臭中毛以蕞惹芽先生憤山
居旨蓄定滿家通即棄勿愛鰯薨如泥沙胡爲動食指
纖悉求荒遐春潮漲鮎埼戢戢多於麻漬以散鹽白曝
以烈日殺此物充鮎遺雖貧不須餘讀雅慮未熟稽名
偏自衙江郎賦紫鼎謝公詠石華海碎益新錄物理尋
無涯顛國古所派異味皆淫龍啖此惡致渴奉佐太白
茶試味草木腴
或可凌雲霞

沙嘆 塊然一物如牛馬腸臟頭長可五六寸許胖然如
水蟲無首無尾無目無皮骨但能蠕動觸之則縮小如桃
栗徐復擁腫土人以沙盆揉去其涎腥雜五穢資之脆美
味爲上物寶慶志

鮫魚 東海有物狀如凝血縱廣數尺正方圓名曰鮫魚

無頭目無腹臟所處則蟲鰕附之隨其東西博物志本草作

蜡一名水母一名榜蒲魚生東海形如覆笠肉如血鮪大

者如牀小者如斗腹下如垂絮純赤無腸胃眼目以鰕為

目鰕動鮫沈故曰水母目鰕如駟驢之與蛭蛭相假矣寶慶

志肉白皮赤腹下有赤血如芝謂之頭士人以姜醋食之

其白肉縷切用礬浸謂之水母線可致遠至正明州謂之

鰕鮫其紅者名海蜃其白者名皮子閩中雨水多則是

物盛土人食之皆以為去積其實損脾雨航雜錄

楊維禎詩 海風吹沙潮欲來青鰕亂跳凝紫苔初疑

長劍斫出老蛟血又疑霹靂擊破妖龍胎蟹湯微泣瑪

瑙脆蜀錦亂把并刀裁紅冰噉碎齒不冷丹霞入腹鳴

飢雷坐令海水化作葡萄醅我當大嚼一飲三百杯

烏賊

案烏賊性嗜烏每曝水上有飛鳥過謂其死便啄其腹則卷而食之以此得名言其爲烏之賊也

名烏魴

圖經本草形如扇袋口傍兩帶極長遇風則虬前一鬚

下石

案日華本草又名鰓魚鬚腳悉在其腹有墨遇大魚眼前風波稍急卽以鬚黏石爲鰓

輒放墨數尺以混其身然羣行水中見墨水至輒可笱羅

而得之

西陽雜俎腹中血并膽正如墨世謂烏賊懷墨而知禮

故俗謂是海若白事小吏有最小者俗呼墨斗

寶慶志

案魴魚以鹽漬之名墨魚乾見後食屬

章巨 海上鱗族異者名章拒大者名石拒居石穴人取

之能以腳黏石拒人故名

埤談

石拒形似大箕袋八足長二

三尺足上突出硃礪戢戢如釘每釘有竅浮於海沙布形

如死鳥啄之卷以入水噓釘吸之以此充腹其次者曰章

舉亦曰章魚案福州府志章魚足短者曰塗婆以大小呼之石拒如斗章

舉如升案閩中海錯疏明州所產章舉有大至五六觔者南方有石拒此惟章舉

耳章舉之又小者曰望潮案至正志望潮土人呼為塗蟾身一二寸足倍

之又一種曰鎖管亦其類腳短無釘寶慶志

海魷亦作魷大者長數十丈海中浮戴如山俗呼為浮礁舟

行避之嘉靖府志海魷最大能吞舟日中閃爍鬣若簸朱旗舟

人相值必鳴金鼓以佈之布米以厭之魷悠然而逝否則

鮮不罹害閩中海錯疏

介之屬

鼈介鼈之元也以鼈為雌故曰鼈鳴鼈應爾雅翼似鼈而

大三倉解詁

鼈 介蟲也 藝文類聚引說文今本作甲鼈 一名團魚 一名腳魚 不可

與莧同食 閩中海錯疏

綠毛龜 溪洞有小如錢者 取育於池沼亦漸長大 至正志

蟹 俗呼為蟹 案廣韻蟹似蟹生海中 圓臍者 牝尖者 牡也 案至正志以臍

大小為雌雄 雄曰 經霜則有赤膏俗呼母蟹亦曰赤蟹無

膏者曰白蟹 有子者曰子蟹 寶慶志 淮南子曰胎蟹珠龜與

月盛衰 今凡蟹屬月明則瘦 月晦則肥 至正志

蟪蛄 明越風物志云蟪蛄并螯十足 生邊海泥穴中 潮

退採取之 四時常有 雌者掩大而肥 雄者踰數斤其小而

黃者謂之石蟪蛄 最大者曰青蟪蛄 案至正志有虎斑文小

者曰黃甲 後足闊者又曰撥棹子 案兩航雜錄蟪蛄南人謂之撥棹言力同撥棹

也

舒懶堂述里諺云八月蝓蚌健如虎埤雅曰蝓蚌兩螯

至強能與虎鬪

寶慶志

蝓蚌八跪二螯蟹其類也

至正志

明州

蝓蚌殼中黃實

見只編

史彌甯鄭中卿惠蝓蚌詩

容齋不作侯鯖夢隨分

魚飯薦一杯食指怪生連夜動敲門郭索送詩來

彭越

爾雅名彭蜆

案爾雅注彭蜆小蟹也吳人呼為彭越

螯赤者名擁劍

案呂方蟹圖擁劍色

一種為彭蜆性寒甚

案至正志彭越一名彭蜆一螯

大其一螯偏長有光

又一種名桀步埤雅曰以其橫行故為桀

步寶慶志

見潮往來出穴舉螯迎之者名招潮潮退徐行塗

中者名攤塗在螭殼中者為螭復人螭腹者曰螭奴又有

倚望

案蟹圖倚望東西顧盼行

竭模

案蟹圖竭模大於彭

正赤常以大螯沙狗

案蟹圖沙狗壤沙

蘆虎

案蟹圖正沙

障日小蟹

取食為穴見人則止

蘆虎

赤不可食

蟹之名皆其賤類也

至正志

螃蟹

俗呼毛蟹又曰田蟹

案福州府志田蟹似蟹而小生水田中

蟹跪帶

毛

寶慶志生湖泊淡水中能橫行故曰螃蟹秋後方盛

至正志

出舉猛江梅墟者尤佳

陳志

溪蟹

小而性寒搗碎愈漆瘡

至正志

石蟹

明越溪澗石穴中出小蟹其色赤而堅俗呼爲石

蟹

蟹譜

膏蟹

蟹之至小者有膏夜有光惟正月間有之

鄞志

金錢蟹

形如大錢中黃最飽酒之味佳

閩中海錯疏

蚌

蜃屬

說文

定海招寶山下有巨蚌光彩逼人

嘉靖府志

海月

案郭璞江賦

形圓如月亦謂之海鏡

案雨航雜錄大如鏡白色其柱

鎮海縣志

卷三十六

物產

奎

如搔頭土人鱗次之以爲天窗
寶慶志又名明瓦閩中海錯疏

石華 附石而生如蠣房殼如牡蠣而大可飾戶牖天窗

海月石華味同蠣房閩中海錯疏

海扇 海中有甲物如扇文如瓦屋三月三日潮盡乃出

集松鄉

任士林詩 漢宮佳人班婕妤好香雲一簇秋風初綰蟲
蒼蒼恩自淺猶抱明月馮夷居至今生怕秋風面三月
三日纔一見對天搖動不
如烹肯向五雲清暑殿

海膽 殼圓如盂外結密刺殼有膏黃色四明謂之海績

筐海濱人取殼磨粉合米醬中其膏入鹽按酒亦名曰醬

閩中海錯疏

鮎 形如螺內有一蟹觚則蟹出求食蟹入則飽嘉靖志郭

璞江賦璫鮎腹蟹南越志璫鮎腹中有蟹子如榆筴合體

其生四明七漢律會稽郡獻鮎醬三斗徐緒本

江珧案韻會珧屋屬甲以柱為珍案六書故珧似蚌薄殼

名記江珧柱厥甲美如珧玉肉柱東坡有江珧傳寶慶形

如大蛤而長案文選江賦注口闊末尖海上亦取苗種於

海塗隨長至口闊一二尺者佳至正一名楊妃舌事物明

州江珧有二種大者江珧小者沙珧然沙珧可種逾年則

成江珧矣老學菴筆記案說文長箋南四明海物江珧

柱第一青蝦次之二物無海腥氣江隣幾朱貢江珧柱皇

子魏王以時物奉兩宮蓋非常貢也句餘土

李本江珧柱詩異味分甘及老饕令人斷酒不能牢

元胎剖出雲間月細殼熬翻海上清春雨河豚忘下箸

曉霜郭索罷持螯東坡何未

知名字嬌美空將荔子衰

全祖望江表詩江表風味良可配荔枝嫩肪輕依

雙柱弱不支海遇春水初生正及時西施縮舌不敢比

芳脂吾鄉鮑所產過閩種別校添丁兄弟負清姿更

須郇公廚人善和齊眠釜中揚沸切莫遲調以蜀雞

之湯清汨汨情以新韭之牙綠離離斯在南容南烹居

絕品發風動氣亦復非所辭所苦脆質不堪度三日難

教驗江涉河充鼎鼐堪笑唐家中葉求海錯歲取四十

萬人貢京師一騎紅塵飛起干驛擾下及蛤蚶螺蠔無

愁道江表正賴脆質得自免坡髯微文巧詆未為宜自

從魏王作牧始傳致剡川地方幾復憂罷疲石湖奏罷

兩宮進奉使甘棠

百世足真孔元齊

蛤 每一潮生一暈海濱人以苗栽泥中伺其長八月十

六日雀入水化蛤海濱有見之者

寶慶志

蛤蜊 善醒酒

寶慶志

亦云圓蛤

案通雅明見圓蛤也殼口

有紫暈者肥美

至正志

案姚寬西溪叢語

出河中者形

蛤蜊文蛤皆一潮生一暈

未圓俗名水蛤

陳志

黃蛤

案海味索隱諸蛤皆產於海又有黃蛤最佳

一潮生一暈殼有紋海濱人

以苗栽泥中候其長而取之

嘉靖志

一名海瓜子梅雨時最

肥謂之梅蛤

鄞志

西施舌

亦蛤類也

通雅浙人以其肉充海錯其殼蝦作粉

本草會編

案温州府志一名沙蛤長可二寸如舌最美產江溪間

蜚

脰長而虛黑又作蜚

通雅

俗呼曰生蜚似蛤而長殼有

毛

案本草扁而有毛如淡菜類

又曰毛蛤一曰蜚蜚

至正志

案通雅蜚蜚扁蛤也

蜆 小於蛤蜊生水泥中殼薄肉多含沙以水浸隔日令

吐沙盡方可煮食本草蜆殼陳久者主痢冷無毒候風雨

能以殼爲翅飛也

寶慶志

車螯 殼有花文肉白大者如碟小者如拳福州府志案本草綱目

車螯殼色紫瑤瑩一名昌娥一名魁蛤寶慶志案夢溪筆讀魁蛤即車螯

也生海中殼可製奇器至正志案本草綱目殼可飾器物灰可闔塞牆壁又可為粉飾面

俗呼蛤粉亦或生其似車螯而角不正者曰移角似車螯珠其為用多矣

而殼薄者曰姑勞似車螯而小者曰羊蹄本草綱目最小者曰

螯白閩中海錯疏

蚶子 爾雅謂之魁陸案爾雅釋文字書云蚶蛤也出會稽可食有瓦壘蚶案

正志殼上稜毛蚶芽蚶土物志曰有側徑四尺皆似瓦壘稜似之故名

有文寶慶志芽蚶殼稜細而肥多出鮓埼冬月有之亦采苗

種之海塗謂之蚶田至正志案物理小識江盈科曰四明蚶田土人磨蚶末調糞桶鹹水

酒田中一點為一蚶期至收之如收穀閩中海錯疏四明蚶有二種一種人家水田中而生者一種海塗中不種而

生者曰野蚶殼細色而大肉紉醫書取殼入藥海味甯波酒蚶爲最藝苑卮言

蜆子 生海泥中長二三寸如大拇指其肉甚肥殼不足

以容之口常開不開時行病後不可食切忌之飯後食之

佳寶慶志甬東人種之至大雅通有荔支蜆女兒蜆二種亦可

種鄞志案句餘土音注浙東之蜆皆女兒蜆也而荔枝則女兒中之佳者

蠃房 其大者如駝蹄小者如人指面亦曰牡蠃陶隱居

云牡蠃是百歲鵬所化道家以左顧者是雄故名此物附

石而生硨磲相連如房一名蠃山海人取之皆鑿房以烈

火逼開挑取肉食之自然甘美更益人美顏色細肌膚海

族之最貴者也寶慶志鮎埼海岸生者僅如人指面挑取肉

謂之梅花蠃簷竹結謂之竹蠃至正志草鞋蠃生海中大如

盃漁者以繩繫腰入水取之黃蠟五六月有之大於蠟房數倍味雖不如蠟房而汁亦適口但牡蠣堪爲醬亦不堪

醃耳

閩中錯疏

劉子翬食蠨房詩

蠟房生海堦堅頑定如石其中儲

可欲雖固必生隙嵌各包藏礪礪相附積終逢霹靂

手妙若斂扇。鑄鑽灼諒難堪。不吐餘瀝。南庖富腥。

豈惟此稱特否航大絕倫梯翼萬夫食鍼蹄九牛毛小

暎逾下百光
 螺暈紫瑤簪
 骨湛金色水
 母脆鳴牙草
 舉

佳工
恩痲
密魚
黏力
排窮
貼富
仁不
可崇
妄無
戲滑
清波
嬉鯢
此盤

亦雄工四盤踞一主差量龜縮常畏出車螯不服箱馬鯨非驥

甘送江
江桂赤
文雨黑
魚之我
條薑要
里髮出
有幾方
耶痛

青虫而朴無才女內雖蒙此見魚鮮每養養南方天恩重

疾而無小理，其類盡也。星人殺會，十肆上爲巨毋。

然均適山流品當開白穀勿尚見日月臨帝星

物作見知打躬答是忙

螺多種掩白而香者曰香螺有刺曰刺螺味辛曰棘螺

有曰拳螺劍螺丁螺斑螺又有生深海中可爲酒杯者曰

鸚鵡螺狀如鸚鵡故名舊說蛭蝸小螺也一種曰海蛭寶

志海螺即流螺曆曰甲香生南海今明州有之諸螺之中

此肉味最厚又有小甲香狀如螺子珠螺瑩潔如珠案又

螺產梭尾螺形如梭圖經本草紫背螺紫色有斑點俗謂之研

螺圖中海河中出者曰蛭螺春初甚佳至清明後生子則

味降矣生海晏鄉者肉肥而殼薄乾隆志

龜腳以狀似之郭璞江賦云石蚌應節而揚葩寶慶一

名仙人掌一名佛手蚌春夏生苗如海藻亦有花生四明

者肥美錯疏圖中海

蟻生於海巖或簷竹又一種曰老婆牙寶慶志培之得膏

松鄉集

鰲 形如惠文如便面惠文武冠名便面古扇名也爾雅

鰲形如覆斗其大如車青褐色十二足長五六寸尾長二

三尺殼堅硬腰間橫文一線輒可屈摺每一屈一行尾尖

有刺能觸人口足皆在覆斗下每雌負雄漁之必雙得以

竹編爲一甲鬻焉案李鄴綸竹枝詞注凡鰲一對曰一甲牝者子如麻子土

人以爲醬或酢本草云牝牡相隨牝者背上有目牡者無

目牡得牝始行牝去牡死韓退之詩鰲實如惠文骨跟相

附行寶慶志鋤而食之其血藍甚奇李鄴綸竹枝詞注其尾燒烟可

避蚊蚋閩中海錯疏

鰕 有赤白青黃斑數色青者大如兒臂土人珍之多以

餉遠梅熟時曰梅鰕蠶熟時曰蠶鰕狀如蜈蚣而大者曰

鰕蛄身尺餘鬚亦二三尺曰鰕黃不常有皆產於海其產

於陂湖者曰湖鰕生於河者曰鰕公二錯比他種其長倍

之寶慶志生於湖河皆青黑色生於江多白色至正志

肘子殼下尖而闊中有肉黏之膏屎皆在尖廚人去下

體取面肉脆供入湯稍久即韌不入品寶慶志

吐鐵案浙志吐鐵吐舌含沙沙黑如鐵至桃花時鐵始吐盡乃佳蝸屬形如豆大殼薄

生海塗中梅月盛土人滌去涎然後鹽焗之至正志案

以梅雨中取者為梅螺可久藏酒一名泥螺海味出桃花

浸一兩宿膏溢殼外瑩若水晶一名泥螺

者至美崑田次之陳志

田螺 生水田中閩中海錯疏

淡菜案去其殼不着鹽而乾之故名亦名殼菜形似珠母甚益人生南海

有東海夫人之號

案本草釋名潮人呼淡菜曰東海夫人

土人燒令汁沸出

肉食之若與少米先煮熟後去兩邊鎖及毛更入蘿菔紫

蘇同煮尤佳

寶慶志

生四明者肉大而肥呼爲乾肉小者曰

沙箭

閩中海錯疏

明州貢淡菜蚶蛤之屬戮奏罷之

唐書孔戣傳

案邑中採淡船頗多以六月出洋冬初返棹

蝨之屬

烏蛇

成化志

黃頰蛇

卽蝨蛇

句餘土音題注

出四明山

四明山志

黃蟒蛇

案爾雅注蟒蛇最大

案俗呼菜花蛇

蜥蜴

守宮也

御覽引說文今本作蜥蜴也

形如蜥蜴

案說文在壁曰蜥蜴在野曰蜥

蜴

瘦而澤四足皆有金系生深山石潭中凡晴雨所至輒

應禱出水面附罩至城既雨則送故處至正志案古今

色者名案俗呼四腳蛇為蜥蜴

案邵晉涵爾雅正義曰蜥易者統名倒言易蜥及

單言蜥者別其在澤中者言也

蜈蚣 性能制蛇見大蛇便緣而噉其腦本草陶注案

而畏蜈蚣蜈蚣以俗謂之百足雅

蜂 案說文蠶飛 一日兩出而聚鳴爾雅朝衙畢出采花供

課晚衙畢則入房山堂種類不一釀蜜者家養案婢雅采

蜜其房如脾其黃黑者皆野毒蜂也鄭志案蜂毒在尾

今謂之蜜脾 蠶 有冬蠶夏蠶采訪冊案會稽志越人謂眠蠶

蠶蛾 成化志 案大戴禮食桑者 蠶老績而為蠶又化

而為蛾蛾有兩翼變去蠶形論衡無形篇似黃蝶而小其眉句

曲如畫雅今人育蠶子者取蠶蛾相匹謂之對蛾邵氏爾雅正義

蝙蝠 服翼也一名仙鼠古今注案崑亭有蝙蝠洞

蝴蝶 蛺蝶也莊子釋文生江南柑橘園中古今注俗傳大蝶必

成雙乃梁山伯祝九娘之魂山堂肆考案蓬島樵歌注

蜻蜓 小蟲細腰四翅呂氏春秋高誘注案韻小而黃

者名胡黎小而赤者曰赤卒古今注

蚰蜒 案廣雅疏證謂之蚰蜒者言其行蜿蜒然也長寸餘死亦蜷曲如環本草

螳螂 有斧蟲江東呼為石螳爾雅郭注其性驚悍喜搏擊廣雅

證疏

蟋蟀 促織也爾雅郭注案古今一名蜻蛚御覽引毛詩義銓

秋初生得寒則鳴噪古今俗名紡績婆
乾隆志

蜘蛛 懸網如魚罾者亦名蠅蠅本草陶注花者最毒物理小識

蠅蛸 亦如蜘蛛為羅網居之陸璣詩疏俗呼為喜子爾雅郭注

蜉蝣 似鮎蛻身狹而長有角黃黑色叢生糞土中朝生

暮死爾雅郭注

蚯蚓 一名蛇蟪一名曲蟪善長吟於地中古今注

螻蛄 南方尤多蟻子凡柱楣牖悉遊蟻循途奔走居有

所縈里棟相接莫窮其往來太平廣記引投荒雜錄

蜎蜎 桑蟲也詩小宛傳似步屈其色青而細小或在草萊上

陸璣詩疏

蠨蛸 小細腰蠶也方言注案爾雅疏螺贏一名蒲盧俗呼為蠨蛸

蠮螋

一名仙姑一名石鼠

廣韻

會稽謂之蠮姑

廣志小俗

俗

名偷火蟲

本草

穴地而生立夏後鳴聲如蚯蚓

邵氏爾雅正義

案通雅蠮螋乃土狗也好攻土夜飛傳火以其好

攻土故屬之於蠮本草圖經引廣雅曰蠮螋一名

碩鼠誤或以蠮螋為蠮螋亦謬

蟪蛄

成化志

案毛詩稽古

蟪蛄非蟪蛄也蟪蛄一名

至春

雨後化為天牛蟪蛄一名蟪蛄爾雅蟪蛄是也生糞

土中

以背行身長如足大指從夏入秋又化為蟬郭

氏注爾雅已分為二物陶貞

白與蘇恭以為一蟲誤也

蟪蛄

生河內平澤及人家積糞草中本以背行駛於用

足也

博物志

一名蠮齊一名敦齊

名醫別錄

鼠姑

伊威甕器底蟲形似白魚而大一名鼠婦一名鼠

蛭又或謂之鼠黏雅

行夜 案俗呼蟬螂

飛蛾 善拂燈一名火花一名慕光古今注 案 御覽

以蠅化為
蛾甚衆

蛙 蝦蟆屬也廣雅長脚善鳴韻會背青黑色俗謂之青蛙本草

圖亦名水雞本草亦呼田雞通雅

蝦蟇 一名蜃大腹而短脚類注急狀如蛙龍

案陳藏器曰蝦蟇蟾蜍二物各別蝦蟇背有黑點

身小能跳接百蟲解作唧唧聲在陂澤間舉動極

急蟾蜍身大背黑無點多痲痼不能跳不解作聲

行動遲緩在人家溼處本草云蝦蟆一名蟾蜍誤

矣

蛤霸 蚪斗漸大脫尾生足而登陸好鳴能跳經年方老夏夜則出拾蟲而不能跳矣亦不鳴聒人呼爲蛤霸其實

一物老幼殊質遂分爲二史蟬

石蛤案石蛤似田雞而大皮黃色生涯谷有水之處

蛭 有數種生水中者名水蛭亦名馬蟻若人及牛馬股

脛間齧啞其血甚者入肉中產育爲害圖經本草水蛭三斷而

成三物博物志

蝸牛 蝸蟲有兩角俗謂之蝸牛莊子釋文凡羸之類皆負殼

惟此能脫殼而行通雅俗名蜒蚰羸本草綱目

竈馬 狀如促織稍大腳長好穴於竈俗言竈有馬足食

之兆西陽俗名竈雞本草綱目案山堂肆考竈雞一名

亦曰

壁蟹酷如小蟹墓如錢小化

蠅虎蠅狐也形似蜘蛛而色灰白善捕蠅一名蠅蝗一

名蠅豹古今注

蜴虎蠅蝗一名蜴虎此蟲見蜴各不動少頃蜴死而空

蓋以氣制之故名說文義證俗謂之壁虎亦呼鱗虎

菊虎芒種後有黑殼蟲似螢火肚下黃色尾上二鉗名

曰菊牛又名菊虎羣芳譜

蠅蠅之大腹者說文

蚊蓄人飛蟲說文性惡烟以艾熏之則潰

蠅 蠅也

說文

爾雅蠅蝦蟆蟪蛄也蝦蟆與

蟪蛄七蠅中之二也

毛詩稽古編

寒蠅似蟬而小青赤

螢 有三種一種能飛有光乃茅根所化呂氏月令腐草

為螢是也一種長如蠶尾後有光無翼乃竹根新化明堂

月令腐草為蠅是也一種水螢居水中

本草綱目

一名夜光物

論 螢多則有年

越志

蠹 食木蠹也

廣雅

亦名蛀蟲

本草

螟 蟲食穀心者

藝文類聚引說文

今本心作葉 案爾雅螟今食苗心者乃無足青蠹江東

謂之蠹蟲

蠹 蠹人飛蟲也

說文

小蠹名鹿蠹大如蠅齧牛亦猛

本草蘇恭

注

馬蟻 有鐵綫蟻其嘴方者尤狠凡刺人血不可拔惟重

力拍之則彼自退墜耳

物理小議

蚱蜢 蝗類似益而小

正韻化書

蚱蜢善踐不鳴視馬蚱蜢小

在田禾中往來葉上不飛跳亦不遠者不害稼非北地之蟲也

蟬 衣書中蟲一名蛎魚

爾雅郭注

其形稍似魚其尾又分二

歧

本草行義

蛩 知聲蟲也

說文

俗呼蛩子

埤雅案博雅土蛩蛩蟲也

土鼈 形扁如鼈故名土鼈

本草陶宏景注

食之屬

鹽 案遊宦紀聞 清泉穿山龍頭三場鹽利甚溥

乾隆志

案海物異名記云編竹為盆熬波出素其法以竹

篾織成用蠟灰塗縫滿浸之竹自不燒也南越志
所謂織篾爲鼎和以牡蠣是已邑之鹽有二種燒
者曰燒鹽曬者曰曬鹽

魚膏

明州脂澤悉用魚膏

太平寰宇記

鰕米

明州貢紅鰕米

元和郡縣志

紅鰕鮓

明州貢紅鰕鮓

元和郡縣志

鰕脯

明州鰕脯

胡銓經筵玉音問答

對鰕

案土人熟而乾之兩兩對插可以寄遠

墨魚乾

俗呼螟脯

案通雅墨魚或作明府錯疏烏鰐

驪乾者明府以地名也貨於江右爲盤飮上品

鄞志

道士裙

出海島

成化志

烏鰂骨

明州貢烏鰂骨

元和郡縣志明州貢烏鰂骨十五觔

案元豐九域

乳餅

案牛新華取其乳治以充饌名曰乳餅

苔

生水中正青狀如亂髮乾之赤鹽藏有汁名曰濡苔

寶慶志

人採納之皆片片整之俗呼曰苔脯又一種綠苔乾

而作小束謂之苔結

紫菜

案寶慶志紫菜無吳郡賦所

生定海昌國海岸一云

出伏龍山者著名乾則黑

案正志

海藻

生海中黑色如亂髮而大

爾雅注

案埤雅云本

組似組東海有

又一種細者紫色曰紫角菜

寶慶志

又一種

細莖叢生海石上謂之鹿角菜

至正志

案成化

昆布

如繩索狀出浙東者大葉似菜蓋海中菜也

本草綱目

海藻昆布青苔紫菜皆療瘡癰結氣寶慶志

柿餅 甯波貢賦有柿餅嘉靖志

粉 案有山粉即藏粉以其出於山故名綠豆粉番儲粉百合粉

糖冰 甘蔗所在皆植獨福唐四明番禺廣漢遂甯有糖

冰客書糖霜有譜製法絕佳今閩人治此為利浙民多種

蔗而不知造糖惟甯郡能作糖冰推其法亦可治霜也江

通志

金波酒 酒有明州金波曲治舊聞

雙魚 俗重雙魚酒舒直四明雜詩注

茶 茶之出浙東以越州上明州婺州次茶經出泰邱鄉太

峯嶺者佳乾隆瑞巖產茶最盛茶幹有大如椀者見聞

麴藥 案蓼生水澤曰虞蓼今人用爲麴藥俗呼爲白藥
洋菜 案本出東洋由市舶來邑人以石花菜煎而爲之
與東洋來者無異

冰 甬東濱江居民多藏冰爲業謂之冰廠夏初鑿取以
佐海魚行遠鄞志冰廠害田覆草中脊建翎前後峻削不至

積雨滲漏地上藉之以草通長溝冬月貯冰至滿必使封
固周密旁不通風下可洩水庶無消化之患至夏月應用
每日江船運取諸廠皆然連縣十餘里不絕四明

貨之屬

綾 明州土貢吳綾交綾唐書地理志案元和郡縣

明州貢
綾十片

絹 明州貢絹

元和郡縣志 案太平

甯波畫絹色白絲

勻宜畫

浙江通志

絲 明州貢絲

元和郡縣志

綢 唐開元時明州賦有綢

元和縣志

綿 明州貢綿

元和郡縣志 案本書又貢綿獨

木棉 木棉高七八尺樹如柞結實如大麥而小秋深即

開露白棉茸茸然土人摘取出殼以鐵杖捍盡黑子徐令

小弓彈令紛起然後紡績為布名曰吉貝

泊宅編 案農政全書吉貝之

稱木即禹貢之言 亦服別於蠶綿耳

案山田多產棉色白者上淡黃者下邑人稱木棉

止稱花者猶洛陽之牡丹也

麻布

明州貢麻布

元稹郡縣志

紵布

唐開元時明州賦有紵布

元稹郡縣志

葛布

嘉靖府志案葛布緝葛皮為之

夏布

嘉靖府志案苧布之圓紗者曰夏布

紫花布

一種紫花浮細而核大其布製衣甚樸雅士紳

多尙之

羣芳譜

案布之名不一農家自織者謂之女機匠織者謂

之腰機黑白相閒成五色謂之花布織以盤紋者

謂之棋盤布

靛青

採以器盛水浸除滓梗攪之以灰故名

江南案用

以染絲布色深碧

油 有麻菜豆桐柏五品

成化志

柿漆 案柿有一種名油柿浸油名曰柿漆用以油紙可隔水

石灰 案他郡以白石燔爲灰甯波則取蚶蠣諸殼燒之炭 案山人燒柴爲之老學菴筆記云南方多木炭蜜 案蜜蜂所課也有巖石間作者有木枝間作者皆不若人家畜者蜜濃而味美

蠟 案蠟蜜脾底也煮治乃成

器之屬

鐵器

生鐵出閩廣船販常至冶而器用

至正志

銅器

如鐵之冶爲鎔釜差勝

至正志

石器 杵臼之利常資之

至正志

竹器 薰篝焙籠他郡鮮有

至正志

漆器 甯波出描金漆器

浙江通志

明席 甬東多席草人業於織著名四方曰明席

寶慶志

硯 有明州石硯甚稱見米帖

硯箋

筆

成化志

手磬 明州多販到無破損聲圓長者妙

百寶總珍集

石碁子 碁子枰出石碁子

寶慶志

假倭扇 甯波人造泥金彩漆縹霞宣德間遣人至彼傳

其法

七修類稿

稻桿紙 浙東有麥麴稻桿紙

談薈

蚊煙 案土人以木屑雜紅砒爲之熏蚊輒避去

船船 明州貢船船宇太平衰

謝輔紳蛟川物產五十詠 鱗王魚首字嵌王膏面紅
鬚兩派長藥石療人無此效培元心腎理膀胱王
白紅一種石根生水愈深時產愈精應是龍宮多變幸
故將一品錫嘉名煉燐 五湖遊罷好乘桴高蹈猶隨
范大夫欲吐蓮花尋鐵幹 餒餒齟齬羅剎山涯莫
禮南無碩鹿 知味牙還啖石牙爬羅剎 南越叢書見
嫌齒落婆娑甚老境從來漸入嘉睦 婆 南越叢書見
一班共生台體亦癡頑 能取食飽能入 坏戶依然自
歌關麟鸞 背翹一骨號蟬蛸無尾無鱗味最饒也謙
無文稱小吏滿囊墨瀋水雲描鰓 八脚齊垂一首圓
望湖八月貼塗田縱然多口 閭無賴聊把圈兒密密圍
繾綣尖同樹葉結如茫入網之魚性亦狂進退兩途能
互易鰓尾掉風豎作檣桅垂作舵 合威兩美判雌雄碧血
盈腔螺名出海鄉何如金玉賦其相旋紋逾入味逾美
各鍾螺名出海鄉何如金玉賦其相旋紋逾入味逾美
尖鼓含黃勝蝦黃 呼窘青蓮舌不妨田螺秃尾一
齊膏齋廚昨日過樓筍 祇恐腹中飛豆懷蟬 甕頭黏
賦涵牽連借箸前來尙帶涎惟有桃花名獨冠肯隨流

水到蛟川白如嫩玉如綿張口紅脣味倍鮮讀
到將軍九竅頌食單曾否入新編蠶
飛兒童細認始微熟梅天氣三毒後箇裏凝脂滿鼓
肥蟬狀如蟬躍江干背上花紋數點攢生怕塗田
泥滑滑不嫌力小幾回彈不取盡魚兒萬萬頭生
半寸狎浮溫燈光射處不沽集取盡魚兒萬萬頭生
爾雅曾傳比目名此魚不比不能行細鱗紫色形如箸
不獨南鵝附翼鳴石勒揚絕賦景純名詳蓀蝦辨
難真何如鹹水結成琉璃連房附海濱名詳蓀蝦辨
來上釣磯東風小市雨霏霏安排早非兼新筍流水桃
花頭共肥對曉起承筐入市多販鮮船到大鳴鑼江
鄉石首藥材好何事黃花說路河鰱何用鰱來訓詰
誘銀鱗網得樂漁家海棠香裏相持贈平襪一枝紅羹
花鱖請君入藥味何如焉用湖頭五柳居宋五嫂羹
誰得擬西門近日况無魚鰱用湖頭五柳居宋五嫂羹
勞數典到王餘較量粵海魚生粥回首蓬池斫鱸魚不
壁鐵絲籠上火初炎女子頭銜多子占一尾一盤環若
爲上品珍美女書生編雅號含沙不射影中人鰕網
釣分名飲老饕餮橫江曉霧泛魚白銀連片長如帶銜
尾而來未肯逃鱗江緯蕭昨夜費漁翁欲換一盤何曾
工候拜內黃慚草制酒旗村店舊家風甌一盤何曾

一蟹珠殿將十八種新圖功臣惆悵茁彭越爾雅零星
誤蔡謨蠅菊天新酒簋瓊餘鏤剔脂膏一背紅蟹粉
團成經蠶切片金光澈酒盃中饌種田一例比鯉苗
子午回頭兩度潮拋得稜稜新瓦壘驚牙屋脊總難描
陶實不費江邊草屬撈蝦隨水母涉波濤等閒壓擔論
勛亦無頭以蝦爲日數身巧借爾靈心爲我謀鱗全無
脂爲睛玉作膚如銀如麴總相符合都誤認王餘片不
點嘉名小白呼鱗如銀如麴總相符合都誤認王餘片不
信最憐香味呼新婦海錯從來浙產多需王侍宴百珍
羅不費錢中儘許鱗龍眠老僧詩味無蔬氣正好同
耳玉版禪中儘許鱗龍眠老僧詩味無蔬氣正好同
參玉版禪中儘許鱗龍眠老僧詩味無蔬氣正好同
盤篋味無勞說撿觸當年孝子心終雷昨夜破苔陰登
連正是黃梅雨過天取卻嫩梢燒老節一勞生側出幾華
燃燐輪囷大嚼配花豬貓頭筵前伴野蔬醫俗好參
醫瘦法何妨酥引得季鷹歸興早秋風不待四腮鱸
滑流匙異酪酥引得季鷹歸興早秋風不待四腮鱸
茗風光龍井白年小摘剛逢穀雨前塔嶼柴橋春啜
茗竹爐新論白沙泉茶摘剛逢穀雨前塔嶼柴橋春啜
價共酬的的圓珠疑剖蚌軟菇菜爛滿湖秋怡與烏菱
歌聲西復東摘來嫩綠與輕紅碧筍飲罷休嫌渴別有
冰蕤浸水瀝菱菰米蓮心味共誇侵晨艇子綠蓬刻

剝來論百沿船賣鏡裏閒拋六角花翹金丸風味憶
江南載酒西園佐飲酣盧橘休言因夏熟不論觴兩祇
論簾櫳餘花晚荷景飛騰赤玉盤中一色凝科日美
他唐進士承恩賜宴綢紅綾帳色如火齊味如冰族
望南邨舊可憑十八盤中盤舉種揚州辨色聖稱僧
水罍花開入畫宜種成一頃詎爲其紫櫻未飽青梅
小正是蛾眉上簇時雪裏紅同耐歲寒佐來元日
五辛盤尉孃莫似尋常吏熟手雖多辣手難難
嫩綠壓霜華春韭秋菘未足誇別有一般風味好
百蓄訪農家詩小園與栗共收藏雅號鵲鴟目否
嘗領取十年賢宰相撥殘爐火始升香